

仙方合集

普子起



三

仙方合集下卷目錄

病原 瘟疫初起 傳變不常 急證急攻

表裏分傳 熱邪散漫 內壅不汗 下後脈浮

下後脈復沉 邪氣復聚 下後身反熱

下後脈反數 因證數攻 病愈結存 下隔

注意逐邪勿拘結糞 畜血 發黃 邪在胸膈

辨明傷寒時疫 發斑汗戰合論 自汗 戰汗

盜汗 狂汗 發斑 數下亡陰

解後宜養陰忌投參朮 用參宜忌有前利後害之不

同 下後間服緩劑 下後反痞 下後反嘔

奪液無汗

補瀉兼施

藥煩

停藥

虛煩似狂

神虛謔語

奪氣不語

老少異治

妄投破氣藥論

妄投補劑論

妄投寒涼論

大便

小便

前後虛實

脈証不應

體厥

乘除

雜氣論

論氣盛衰

論氣所傷不同

虵厥

呢逆

似表非表似裏非裏

論食

論飲

損復

標本

行邪伏邪之別

應下諸証

應補諸証

論陰症世間罕有

論陽症似陰

舍病治藥

舍病治斃

論輕疫悞治每成痼疾

肢體浮腫

服寒劑反熱

知一

四損不可正治

勞復

食復

自復

感冒兼疫

瘧疫兼証

瘟瘧

疫痢兼証

婦人時疫

小兒時疫

妊娠時疫

主客交

調理法有九傳

統論疫有九傳

集補諸瘟方治

附採名方

辟瘟諸法

王恒齋瘟病論

湯名歌訣

養陰法

驗証舌法

三十六舌

保養

頭病

眼病

面病

鼻病

耳病

口舌

牙齒

咽喉

霍亂

嘔吐

噎膈

虛勞

勞症咳嗽

吐血

心胃

脇痛

瘡疾

疝氣

腹痛

腰痛

手臂

蟲症

大便閉

小便閉

大小便閉

小便

淋症

濁症

腿膝

遺精

腸風

脫肛

泄瀉

痢症

男陰

腳氣

救濟

調經

經閉

崩漏

帶下

乳病

陰瘡

小兒

丹藥

癰疽

點痣

疥瘡

瘰癧

乳痛

手指

大便痔瘡

男陰瘡

足瘡

雜症

目錄終

原序

余少時多疾病。故惟醫書是好。自靈素以及諸家。無不究心。而於傷寒一症。爲尤切者。以其變出倉卒故也。自張仲景活人書以下。至晉魏多所散亡。若王叔和之徒。高陽生編輯以後。無不皆引經文云。冬傷於寒。春必病溫。春傷於風。夏必飢。世夏傷於暑。秋必瘧痢。秋傷於燥。冬必咳嗽。又云。冬不藏精。春必病溫。皆謂冬受風寒。不卽發散。至春天氣溫和。反寒爲溫。發爲溫病。至夏發爲熱病。諸語。後人名之曰。四時傷寒。凡治療之法。無不載之於書矣。如法施治。有不効者。又名之曰。傷寒中雜症。甚則名爲壞病。以爲治療之法。已盡。而病終不

瘳是病之感受元重非治法之未盡善也。迨後賢崛起如王

好古許叔微李東垣朱丹溪劉河澗吳綬陶華以及王肯堂

之傷寒症治準繩俞嘉言之醫門法律并傷寒約傷寒解等

書是皆釐剔前弊開示後蒙始証冬月傷寒謂之中寒云蓋

以下言冬月正傷寒一段

凡寒邪著人鮮有不即發為惡寒發熱頭項痛腰脊強等症

一句正寒不得至春夏發

而詎待至春為溫病至夏為熱病耶若謂所傷寒傷暑者皆

當傷當發

時傷令也如冬月寒肅當令腎氣閉藏是其正也而反有非

時之溫寒氣不固水藏開泄至春木旺又耗其精水藏不勝

無以滋生於木遂病於溫與冬不藏精春必病溫同轍等論

是皆闡發內經秘旨為仲景後世功臣也至雜氣感人為瘟

雜氣感為瘟

與冬寒春溫有別

疫病者皆附傷寒條下。云變為風瘟濕瘟及瘟瘧等症。雖立

以下至胃中。

皆疑而來。決言之。

有方法。投劑輒多。不應予竊疑之。凡四方郡邑有著名於醫

者。咸往受教。足跡幾遍天涯。沉潛反覆。近二十年。遇斯症時。

治法畧以傷寒。不外乎汗吐下三法。然中有不同者。所謂表

而裏。裏而表。及表裏同傳者。與傷寒有異耳。究未能了然於

胸中。歲乙未夏。余客都門。學士戚公素精岐黃。偶染痰疾。延

余診視。既愈。遂出一冊。名醒醫瘟疫六書。公云。留我無益。送

君如寶劍之贈烈士也。余讀之。如獲至寶。每關至向所疑處。

而輒得明白開解。及自己揣摩。與古人暗合處。不禁掩卷倒

地。以拜。始知傷寒瘟疫有霄壤之分。嗣後遇患斯疾者。依法

投藥無不應手而愈十餘年來所活無算非余能活人乃是書之活人也。乙巳春余偶至粵東使謁。大中丞年公。談及近時醫學云。向之某人。患發熱煩躁。臆語。某醫投以參附立斃。又某某病。投溫補數劑而殞。庸醫殺人。至今不能去心。予度此必疫邪固閉內外。脈不顯現。甚則六脈全無。所謂陽症似陰。當用承氣等湯速下。而投補劑。則劇而死。及余視諸有疾者。十居八九。皆是瘟疫。較他省尤甚。及觀所立之方。皆非治疫法。乃知是書。未至於粵東故也。夫日有之病。而從未見治療方術。無怪乎醫之難於措法。而斯人之多天枉也。予憫而出書是也。公覽之大悅。遂付剞劂。刷印百千本。普傳於粵。

言常日有的

粵醫之方

之東西或欲使斯人免天枉而登壽域噫公之愛民不甚切哉吾願諸留心於醫者各挾一冊轉相傳說務使家誦戶曉乃生民之幸甚幸甚也更祈勿泥於經旨以爲傷寒瘟疫總屬一理各執乎已見乃云正氣雜氣原無二途是所深望云爾

附按

甲午冬余榻於某家一老婦呻吟痛苦徹夜不輟曉問其故云自河間來於途中忽得此症喘嗽汗淋昏昏無所知便祕不行已經月餘主翁與伊夫皆謂其無生理余憫而診之其脉浮沉俱無中按洪數兩寸將絕爲之苦思半夜不知名爲

何症次日平明復診良久亦如之又閉戶揣摩竟日妄擬之
曰脉結於中得毋有何邪氣填塞胸膈耶否則何絕食一月
而不死也遂放胆以枳櫛爲君洪數閉結非寒可知佐以清
涼之味因老年辛苦之人瘡病纏身日久加以生耆山藥熟
地當歸服之至三更二便通利識人索食矣越三月始見此
書頗有千慮一得之喜

一少年素弱屢患喉痺幾瀕於危今歲元夕後疾又作兼有
外感狀余診之並驗舌審症曰此瘟疫傳表而未入裏也但
脉下應指宜達原飲加三陽經藥仍須人參一錢助驅邪發
表之力服此並喉痺亦可隨之而消矣服後表証悉除喉愈

腫痛察之則知去參不用也。次早易一方。其家又潛減參五分。晚易一方。又只用參渣。喉倍腫痛。更危於昔。屢刺之不潰。余細度之。表已解。無下症。脉亦和。便亦利。此分明瘟毒結於喉間。氣弱不足以驅之耳。與力言。非參不可。仍用一錢。迫令服之。頃刻喉腫自潰。濃血甚多。臭惡逼人。此瘟毒之可驗者。時十八日也。不然縱倖而瘥。又不知延綿幾何日。受無限痛苦矣。能神速如是耶。

石門橋一庠生母。年七十九。正月初五日得病。二月二十六申刻。過其門。生垂涕跪求。言病勢危亟。入室診脉。驗舌。知瘟疫失下也。幸脉尙有神。乃重用硝黃。見生有難色。曉之曰。

畏怯意

令。燻。津。液。殆。盡。矣。服。此。可。保。回。生。耽。遲。大。有。可。慮。明。早。余。停
車。前。途。候。子。報。我。信。音。且。方。內。用。熟。地。二。兩。熬。汁。煎。藥。正。爲
保。護。老。人。元。陰。以。助。藥。力。也。甫。二。鼓。大。泄。二。三。次。而。安。諸。恙
頓。除。按。二。症。一。脈。帶。陽。虛。故。用。人。參。一。脈。帶。陰。虛。故。用。地
黃。如。論。瘟。疫。本。証。大。忌。溫。補。熱。地。黃。悞。用。猶。可。如。邪。一。傳。裏
人。參。在。所。必。禁。慎。之。審。之。

任。丘。一。室。女。弱。症。經。年。至。春。甚。劇。病。按。連。篇。余。診。後。以。按。擲
還。伊。父。曰。此。瘟。疫。也。何。庸。多。按。爲。再。驗。舌。色。及。參。瘟。症。中。所
應。有。者。一。七。而。遍。身。疹。出。秋。友。人。一。館。僮。水。瀉。已。二。十。餘
日。謔。語。絕。穀。狼。狽。不。堪。診。知。瘟。疫。舌。胎。芒。刺。可。據。竟。用。硝。黃。

夜半大泄一次而愈。瀉亦頓止。二日餘。瘟復見於証。更下之而痊。按二症。一雖久病見瘟。則當治瘟。一雖久瀉有毒。則仍攻毒。倘一猶豫。卽俱失之矣。

五月初四日。有患膨脹垂絕者。兼足痿而喉噎。給二方以姑試之。初七日來求治云。已回生矣。及至而診之。脉忽現瘟象。隨用枳榔大黃以解之。清養數日。復理前症而起。迺遇一

患喘症者。已二十餘年。每秋冬必大作。殮具屢辦。余與一七而感。與再七而息。甫隔二日。忽感瘟氣。一宿而表裏盡傳。治以三消飲加減一七而安。按二症治本病時。俱用參桂。及至染瘟。只得掃除前見。舍本治標。但原方中有大苦寒者。酌

改之。或加本病所宜清涼之味。以兼理之。亦一變通法也。

有新嬪。經過期不行。嘔吐惡食。家以爲娠。因久痢。有寒熱喘。

嗽。諸証來。謀保胎之方。診之曰。脉無和緩。活動意。何胎之有。

脉必數

但覺滿指。瘟氣耳。卽今有胎。解毒便是安胎良法。况初起惡。

寒手足俱冷。舌胎宛然。又奚疑乎。依方療之。不日愈。一小。

兒發熱。家疑爲痘。余曰。手涼過掌。非指稍冷。又非中指獨冷。

且脉不滑數。耳熱眼乾。皆無痘徵。復看其舌白。胎已滿。用達。

原飲四分之一。諸病如失。按二症。雖顯有可憑。向非獲此。

異書。亦未必不向胎痘門類中摸索矣。婦人小兒。古稱難治。

母見專門婦科兒科者。用藥多依樣葫蘆。否則又妄行剝削。

皆非所以全嫩弱之軀也

數按之外尚多隨手奏効者。無庸多錄。然皆吳先生之仁術

遺惠。後人毫不敢貪爲己功也。噫。余於醫。願學未能。並不以

懸壺爲業。且日惟杜門。性好避俗。自得是書。常以未得傳世

余今續刻之意。同然。仲景立論于漢。至晉叔和集成。而廣傳。是書始于明。奎萊得傳者宜矣。

爲憂。今而後海內仁人君子。見此編者。轉相傳布。功豈小補

哉。書坊因何不刻賣。太約。狐疑者廢之耳。

今秋一嬾染瘟。醫以傷寒法治之。後至張目閉口。不省人事。

改用楓藥。而疫聲隨起。余往視之。棺殮悉備矣。聞藥罐內尚

煎人參一兩。附子五錢。余曰。此非必死之症。何苦以毒藥投

之。然非放胆重用大黃。不能救。姑與八錢。蓋恐多用而遇阻。

之者反少活一命俟其立刻見效再遲無難也乃翁欣然愛
方而阻之者眾竟至不起。同時一婦染瘟醫如前法治之。
亦至張目不語又給風藥而未服余曰外症雖同虛實迥異。
非人參不可眾皆默默而救人念切始用滋陰藥一大貼以
潤其燥其家進以少許繼聞其後日用硝黃不輟遂殂。

按前一症欲用大黃者感瘟不遇經期且載眼面赤手足熱
便久閉身如泥塑真實症也後一症欲用人參者感瘟恰值
經期之第三日血室虛瘟乘而入况眼珠轉使不結面不甚
赤身能反側尋衣理線不休。真虛症也人參大黃易地而施。
則兩命俱活矣乃一死於實實一死於虛虛惜哉今人病至

不起多委之於數。余嘗曰數之一字非醫家所宜言。使醫亦委之於數。則軒岐聖人何事刺刺不休。耶如二症者有生。操而終致之死。謂爲數中人。或者近之。

一婦素虛損。於八月初旬。感瘟悞服補劑。以致飲食俱絕。晝夜嘔吐。已一月餘。余審其狀。知內多積垢。以三消承氣合酌。與之。嘔頓止。二便通。熟睡至曉。飲食並甘。余囑其米飲。以小酒鍾進。漸次徐加米粒。又以黃龍湯製丸。授之不意肥甘煎。燂生冷恣意。而啖其病屢復。延至十月。癱瘓不起。腹腫如吹。二便不通。昏迷無知。氣至垂絕。余切脉審証。其應下者。仍在。投承氣一貼。便通少甦。十數日後。脉轉洪長。但浮分不起。此

裏通而表不能達也。投白虎一貼。汗疹俱出。四日後投舉斑一貼。因骨瘦如柴。大肉已脫。三方內俱用熟地。二三人參數錢。更察其經多邪熱。照原方少爲變化。三日後過診。竟大半回生矣。又囑其以熟地人參爲丸。頻頻進之。因仍渴。以小米硬米清飲。二鍾。不時溫而與之。但惜其危篤至此。食物終不節制。其保全與否。尙未可必耳。噫。如此人者。幸而得生。實藥之功。設有不虞。非數之過。錄此。普勸養生者。百凡珍重。幸自愛焉。

雍正三年歲次乙巳三月望日 古越山陰余邦

昭燮菴氏。先生按皆曰瘟疫。先生豈未治雜病耶。蓋發瘟疫者。則錄於此。以擴充人之見識耳。

瘟疫論引

夫瘟疫之爲病。非風非寒。非暑非濕。乃天地間別有一種異

氣所感。其傳有九。此治疫緊要關節。奈何自古迄今。從未有

大槩有九非一人有九

發明者。仲景雖有傷寒論。然其法始自太陽。或傳陽明。或傳

少陽。或三陽。竟自傳胃。蓋爲外感風寒。而設。故其傳法與瘟

疫自是迥別。嗣後論之者。紛紛不止數十家。皆以傷寒爲證。

其於瘟疫証。則甚畧之。是以業醫者所記所誦。連篇累牘。俱

誠然

係傷寒。及其臨証。悉見瘟疫。求其真傷寒。百無一二。不知屠

龍之藝。雖成而無所施。未免指鹿爲馬矣。余初按諸家咸謂

也是冬但少耳

春夏秋皆是瘟病。而傷寒必在冬時。然歷年較之。瘟疫四時

皆有及究傷寒每至嚴寒雖有頭疼身痛惡寒無汗發熱總

傷寒傳經不傳經者乃感

似太陽証至六七日失治未嘗傳經每用發散之劑一汗而

冒也

解間有不藥亦自解者並未嘗因失汗以致發黃譫語狂亂

胎刺等証此皆感冒膚淺之病非真傷寒也傷寒感冒均係

風寒不無輕重之殊究竟感冒居多傷寒希有况瘟疫與傷

寒感受有霄壤之隔今鹿馬攸分益見傷寒世所絕少仲景

以傷寒爲急病倉卒失治多致傷生因立論以天下濟萬世

用心可謂仁矣然傷寒與瘟疫均急病也以病之少者尙諄

的定

諄以告世至於瘟疫多於傷寒百倍安忍反置勿論或謂瘟

疫之証仲景原别有方論歷年既久兵火湮沒卽傷寒論亦

係散亡之餘。王叔和立方造論。謬稱全書瘟疫無論未必不由散亡也。明矣。崇禎辛巳。疫氣流行。山東、浙省、南北、兩直。感者尤多。至五六月。益甚。或至合門傳染。始發之際。時師悞以傷寒法治之。未嘗見其不殆也。或病家悞聽七日當自愈。不爾。十四日必瘳。因有失治不及期而死者。亦有治之太晚。服藥不及而死者。或妄用峻劑。攻補失序而死者。或遇醫家見解不到。心疑胆怯。以急病用緩藥。雖不卽受其害。然遷延而致死。比比皆是。所感之輕者。尙獲僥倖。感之重者。更加失治。枉死不可勝計。嗟乎。守古法不合。今病以今病。簡古書原無明論。是以投劑不效。醫者傍皇無措。病者日近危篤。病愈急。

投醫念亂不死於病。乃死於醫。不死於醫。乃死於聖經之遺
亡也。吁。千載以來。何生民不幸如此。余雖固陋。靜心窮理。格
其所感之氣。所入之門。所受之處。及其傳變之體。平日所用
歷驗方法。詳述於左。以候高明者正焉。 肯

宗禎壬午仲秋姑蘇洞庭吳有性書於澹澹齋

先生以靜心窮理四字。格致瘟疫之奧。余弟子習先生之
書。始而猶未釋然。未敢輕用其法。漸歷試之。遂歷驗之。習
見傳變之証。果爾不虛。洵哉。先生亦今日醫中之聖也。
敢不心服而下拜哉。奈今之粗心浮氣者。不能靜心看書。
不能潛心臨症。得之猶未得耶。嗟乎。

仙方合集下卷

具區吳有性又可氏甫著

漢昌竹橋齋迴炤子輯鐫

石琳 王翼軒 參閱

浴水 李退菴 雜對

原病

病疫之由昔以為非其時。有其氣。春應溫而反大寒。夏應熱而反大涼。秋應涼而反大熱。冬應寒而反大溫。得非時之氣。前人方書多有此論長幼之病相似。以為疫。余論則不然。夫寒熱溫涼乃四時之常。因風雨陰晴。稍為損益。假令秋熱必多晴。春寒因多雨。較之亦天地之常事。未必多疫也。傷寒與中暑感天地之常氣。

疫者感天地之厲氣在歲有多寡在方隅有厚薄在四時有

盛衰此氣之來無論老少強弱觸之者即病邪自口鼻而入

所容內不在臟腑外不在經絡舍於伏脊之內去表不遠附

與少陽半表半裏不同

即靈樞

近於胃乃表裏之分界是為半表半裏即鍼經所謂橫連膜

原是也胃為十二經之海十二經皆都會於胃故胃氣能敷

皆風寒之邪

布於十二經中而榮養百骸毫髮之間靡所不貫凡邪在經

為表在胃為裏今邪在膜原者正當經胃交關之所故為半

表半裏其熱淫之氣浮越於某經即能顯某經之證如浮越

浮越猶水泛溢也非傳變也

於太陽則有頭項痛腰痛如折如浮越於陽明則有目痛眉

稜骨痛鼻乾如浮越於少陽則有脇痛耳聾寒熱嘔而舌苦

大槩觀之邪。越太陽居多。陽明次之。少陽又其次也。邪之所

天受。即自受。從口鼻入。

著有。天受有傳染所感。雖殊其病則一。凡人口鼻之氣通乎

天氣。本氣充滿。邪不易入。本氣適逢虧欠。吸呼之氣亦自不

及。外邪因而乘之。昔有三人。冒霧早行。空腹者死。飲酒者病。

言危厲之盛。

飽食者不病。疫邪所著。又何異耶。若其年氣來厲。不論強弱。

觸之即病。則又不拘於此矣。其感之深者。中而即發。感之淺

者。邪不勝正。未能頓發。或遇饑飽勞碌。憂思氣怒。正氣被傷。

邪氣張益。榮衛運行之機。乃為之阻。吾身之陽氣因而屈曲。

陽格。陽在內與表相通。格。滯也。甚寒也。猶微微也。

故為病熱。其始也。格陽於內。不及於表。故先凜凜惡寒。甚則

四肢厥逆。陽氣漸積鬱氣。而通故厥回。而中外皆熱。至是但

熱而不惡寒者因其陽氣之週也此際或有汗或反無汗者

在乎邪結之輕重也。即使有汗乃肌表之汗若外感在經之

邪一汗如解今邪在半表半裏表雖有汗徒損真氣邪氣深

潰猶瘡毒之穿也

由內行外

伏何能得解必候其伏邪已潰表氣潛行於內乃作大戰積

氣自內由膜原以達表振戰止而後熱此時表裏相通故大

汗淋漓衣被濕透邪從汗解此名戰汗當即脉靜身凉神清

氣爽霍然而愈然有自汗而解者但出表為順即不藥亦自

雖微汗止解皮膚

愈也伏邪未潰所有之汗止得衛氣暫通熱雖暫減逾時復

之熱天地之陽氣而消長也

熱午後朝熱者至是鬱甚陽氣與時消息也自後加熱而不

惡寒者陽氣之積也其惡寒或微或甚因其人之陽氣盛衰

也其發熱或短或長或晝夜純熱或黎明稍減因其感邪之輕重也疫邪與瘧彷彿但瘧不傳胃惟疫乃傳胃始則皆先凜凜惡寒既而發熱又非若傷寒發熱而兼惡寒也至於伏邪已潰方有變証其變或從外解或從內陷從外解者順從內陷者逆更有表裏先後不同有先表而後裏者有先裏而後表者有但表而不裏者有但裏而不表者有表裏偏勝者有表裏分傳者有表而再表者有裏而再裏者從外解者或發斑或戰汗狂汗自汗盜汗從內陷者胸膈痞悶心下脹滿或腹中痛或燥結便秘或熱結旁流或協熱下痢或嘔吐惡心譫語舌黃舌黑胎刺等証因証而知變因變而知治此言

其大畧詳見脈証治法諸條

瘟疫初起

瘟疫初起先憎寒而後發熱日發但熱而無憎寒也初起之方非走表之藥遂疑而不肯用皆見識未透審病未的余用之屢
二三日其脈不浮不沉而數晝夜發熱日晡益甚頭疼身痛
其時邪在伏脊之前腸胃之後雖有頭疼身痛此邪熱浮越
矣後見者勿疑總在不浮不沉而數上認

於經不可認爲傷寒表証輒用麻黃桂枝之類強發其汗此邪不在經汗之徒傷表氣熱亦不減又不可下此邪不在裏下之徒傷胃氣其渴愈甚宜達原飲

檳榔 二錢
厚樸 一錢
草菓仁 五分
知母 一錢
芍藥 一錢

黃芩 一錢
甘草 五分

右用水一鍾煎八分午後溫服

按板榔能消能磨除伏邪為疎利之藥又除積南瘴氣厚
 樸破戾氣所結草菓辛烈氣雄除伏邪盤錯三味協力直
 達其巢穴使邪氣潰敗速離膜原是以為達原也熱傷津
 液加知母以滋陰熱傷榮氣加白芍以和血黃芩清燥熱
 之餘甘草為和中之用以後四味不過調和之劑如渴與
 飲非拔病之藥也猶如薑茶吃又曰非拔病之藥不過疎解使之速潰速傳然後好治也若受凡疫邪遊溢諸經當隨經引用以助
輕三劑便愈重者或日二三服斟酌在此升泄如脇痛耳聾寒熱嘔而口苦此邪熱溢於少陽經也
 本方加柴胡一錢如腰背項痛此邪熱溢於太陽經也
 本方加羌活一錢如目痛眉稜骨痛眼腫痛鼻乾不眠
 此邪熱溢於陽明也本方加干葛一錢証有遲速輕

重不等藥有多寡緩急之分務在臨時斟酌所定分兩大
畧而已不可執滯間有感之輕者舌上白胎亦薄熱亦不
甚而無數脉其不傳裏者一二劑自解稍重者必從汗解
如不能汗乃邪氣盤錯於膜原內外隔絕表氣不能通於
內裏氣不能達於外不可強汗病家見加發散之藥便欲
求汗誤用衣被壅罨或將湯火熨蒸甚非法也然表裏隔
絕此時無遊溢之邪在經三陽加法不必用宜照本方可
也感之重者舌上胎如積粉滿布無隙服湯後不從汗解
卽達原湯
而從內陷者舌根先黃漸至中央邪漸入胃此三消飲証
加大黃者
若脉長洪而數大汗多渴此邪氣適離膜原於表未表此

白虎湯證如舌上純黃色兼見裏証爲邪已入胃此又承

方見效者多。

氣湯證也有兩三日即潰而離膜原者有半月十數日不

即綿綿延延。

傳者有初得之四五日淹淹揖揖五六日後陡然勢張者

凡元氣勝者毒易傳化元氣薄者邪不易化即不易傳設

從前有別病

遇他病以虧適又微疫能感不能化安望其傳不傳則邪

不去邪不去而病不瘳延纏日久愈沉愈伏多致不起時

師誤認怯證日進參芪念墜念固不死不休也上下二段乃傳變大

緊緊要之論亦治法之緊要處傳變不常。

疫邪爲病有從戰汗而解者有從自汗盜汗狂汗而解者有

無汗竟傳人胃者有自汗淋漓熱渴反甚終得戰汗方解者

有胃氣壅鬱必因下乃得戰汗而解者有表以汗解裏有餘

邪不因化故越三五日前証復發者有發黃因下而愈者有

急作重看

發黃因下而斑出者有竟從發斑而愈者有裏証急雖有斑

非下不愈者此則傳變不常亦為常變也有局外之變者男

行房也

子適逢淫欲或向來下元空虛邪熱乘虛陷於下焦氣道不

施以致小便閉塞小腹脹滿每至夜即發熱與導赤散五苓

五皮之類分毫不効得大承氣一服小便如涇而愈者或裏

即一經受病

有他病一隅之虧邪乘宿昔所損而傳者如失血崩帶經水

臨末經方來適斷經行三四日方止而忽得病因疫帶出舊病

適來適斷心痛疝氣疫火喘急凡此皆非常變大抵邪行如

底處注水

水惟注者受之傳變不常皆因人而使蓋因疫而發舊病治

法無論某病某病但治其疫而舊病自愈

急證急攻

瘟疫發熱一二日舌上白胎如積粉早服達原飲一劑午後

此是毒氣盛元氣亦盛

舌變黃色隨現胸膈滿痛大渴煩躁此伏邪卽潰邪毒傳胃

也前方加大黃下之煩渴少減熱去六七午後復加煩躁發

熱通舌變黑生刺鼻如烟煤此邪毒最重復痰到胃急投大

承氣湯傍晚大下至夜半熱退次早鼻黑胎刺如失此一日

之間而有三變數日之法一日行之因其毒甚傳變亦速用

藥不得不緊設此証不服藥或投緩劑羈遲二三日必死設

不死服藥無及矣常見瘟疫二三日卽斃者乃其類也

表裏分傳

瘟疫舌上白胎者邪在膜原也。舌根漸黃至中央乃邪漸入胃。設有二陽現證用達原飲。三陽加法因有裏証復加大黃。此劑非只用此一方謂表裏通達猶傷寒用大柴胡。名三消飲。三消者消內消外消不內不外也。此治疫之全劑。惟毒邪表裏分傳膜原尚有餘結者宜之。

三消飲 檳榔 草菓 厚樸 白芍 甘草 知母

黃芩 大黃 葛根 羌活 柴胡 姜棗煎湯服

熱邪散漫

此症最多要在辨得脈症。瘟疫脈長洪而數大渴復大汗通身發熱宜白虎湯。白虎湯

石膏 一兩 知母 五錢 甘草 一錢 炒米 一撮 加薑煎服

按白虎湯辛涼發散之劑清肅肌表氣分藥也蓋毒邪已

潰中結漸開邪氣方離膜原尙未出表然內外之氣已通

前段言將出表者宜白虎湯

故多汗脉長洪而數白虎辛涼解散服之或戰汗或自汗

而解若瘟疫初起脉雖數未至洪大其時邪氣盤錯於膜

原宜達原飲誤用白虎既無破結之能但求潰熱是猶拂

中段辨未出表者不宜白虎湯

湯止沸耳若邪已入胃非承氣不愈誤用白虎既無逐裡

邪之能徒已剛悍而伐胃氣反抑遏邪毒致脉不行因而

細小又認陽証得陰脉妄言不治醫見脉微欲絕益不敢

後段辨已入裡者亦不宜白虎湯

議下日惟雜進寒涼以爲穩當愈投愈危至死無悔當此

急投承氣緩緩下之六脉自復

內壅不汗

邪發於半表半裏一定之法也。至於傳變或出表或入裏或

即傷寒論

表裏分傳醫見有表復有裏乃引經論先解其表乃攻其裏

匡衡麻黃為然大凡

發表皆然表藥性溫熱故轉見

此大謬也嘗見大劑麻黃連進一毫無汗轉見煩燥者何耶

煩燥

蓋發汗之理自內由中以達表今裏氣結滯陽氣不能敷布

於外即四肢未免厥逆又安能氣液蒸蒸以達表譬如縛足

之鳥反欲飛升其可得乎蓋鳥之將飛其身必伏先縱足而

後揚翅方得升舉此與戰汗之義同又如水注閉其後竅則

前竅不能涓滴與發汗之義同凡見表裏分傳之證務宜承

氣先通其裏裏氣一通不待發散多有自能汗解

下後脈浮

此與下空浮可俱宜善服

裏證下後脈浮而微數身微熱神氣或不爽此邪熱浮於肌

表裏無壅滯也雖無汗宜白虎湯邪從汗解若夫下後或數

數下謂下過幾次也

下後脈空浮而數按之豁然如無宜白虎湯脈空如之加人參覆盃則

汗解下後脈浮而數原當汗解遷延五六日脈證不改仍

不得汗者以其人或自利經久或素有他病先虧或本病日

久下遲或反覆數下以致週身血液枯涸或不得汗白虎辛

涼除肌表散漫之熱邪加人參以助週身之血液於是經絡

潤澤元氣鼓舞腠理開發故得汗解

下後脈復沉

裏證脉沉而數下後脉浮者當得汗解今不得汗後二三日
以浮沉辨表裏
脉復沉者膜原餘邪復瘀到胃也宜更下之更下後脉再浮
者仍當汗解宜白虎湯

邪氣復聚

此等証多

裏証下後脉不浮煩渴減身熱退越四五日復發熱者此非
關飲食勞復乃膜原尚有餘邪隱匿因而復發此必然之理
不知者每每歸咎於病人誤也宜再下之卽愈但當少與慎
勿過劑以邪氣微也

下後身反熱

應下之証下後當脉靜身涼今反發熱者此內結開正氣通

鬱陽暴伸也。卽如爐中伏火，撥開雖熾，不久自息。此與下後脈反數義同。若瘟疫將發，原當日漸加熱，胃本無邪，誤用承氣，更加發熱，實非承氣使然。乃邪氣方張，分內之熱也。但嫌下早之誤，徒傷胃氣耳。日後傳胃，再當下之。又有藥煩者，與此懸絕。詳載本條。

下後脈反數

應下失下，口燥舌乾而渴，身反熱減，四肢時厥，欲得近火，時師謂之傳。三陽謬也。被此陽氣伏也。既下厥回去，爐滅被脈大洪，加數，舌上生津。

不思水飲，此裏邪去，鬱陽暴伸也。宜柴胡清燥湯去花粉，知

母加葛根，隨其性而升泄之。此證類近白虎，但熱渴既除，又

非白虎所宜也

因證數攻

瘟疫下後二三日。或一二日。舌上復生胎刺。邪未盡也。再下。

下。后仍有下証。再不敢下。因未見此。亦未見傷寒論也。

之胎刺。雖未去。已無鋒芒。而軟然熱渴未除。更下之。熱渴減。

胎刺脫。日後更復熱。又生胎刺。更宜下之。余里周困之者。患

疫月餘。胎刺凡三換。計服大黃二十兩。始得熱不復作。其餘

脈證方退。所以凡下。不以數計。有是證。則投是藥。醫家見理

不透。經歷未到。中道生疑。往往遇此證。反致担閣。但其中有

間一日下者。有應連下三四日者。有應連下二日間一日者。

其間寬緩之施。有應用柴胡清燥湯者。有應用犀角地黄湯。

者至投承氣某日應多與某日應少與如其不能得去亦只以悞事此非可以言傳貴乎臨時斟酌

米海嗣正年四十五歲患疫得下症四脉不舉身臥如塑日閉口張舌上胎刺問其所苦不能答因問其子兩三日所服何藥云進承氣湯三劑每劑投大黃兩餘不效更無他策惟待日而已但不忍坐視更祈診視余診得脉尙有神下証悉具藥所不到也先投大黃一兩五錢日有時而少動再投舌刺無芒口漸閉能言三劑舌胎大失神思稍甦四日服柴胡清燥湯五日復生芒刺煩熱又加再下之七日又投承氣養榮湯熱少退八日仍用大承氣肢體自能少動計卒月其服

大黃十二兩而愈。又數日始進糜粥。調理兩月。平復。凡治千人。所遇此等。不過二三人。已姑存案。以備參酌。

此案可見。因証數攻等論不虛。

病愈結存

瘟疫下後。脈証具平。腹中有塊。按之則痛。自覺有所阻。而微悶。或時有升降之氣。往來不到。常作蛙聲。此邪氣已盡。其宿結尚未除也。此不可攻。攻之徒損元氣。氣虛亦不能傳送。終無補於治結。須飲食漸進。胃氣稍復。津液流通。自然潤下也。皆愈病愈後。食粥累月。結塊方下。堅黑如石。

此証予曾用獨黃丸通之。復結

復通復結後。用補中益氣。倍當歸加麻仁而愈。

下隔

瘟疫愈後。脈証俱平。大便二三日不行。時時作嘔。飲食不進。雖少與湯水。嘔吐愈加。此爲下隔。蓋下旣不通。必返於上。設與牛黃狗寶。及藿香丁香。二陳之類。悞也。宜調胃承氣熱服。頃得宿結。及溏糞粘膠惡物。臭不可當者。嘔吐立止。所謂欲求南風。須開北牖是也。嘔吐慎勿驟補。少與參芪。下焦須閉。嘔吐仍作也。此與病愈結存彷彿。彼則妙在往來。蛙聲一証。故不嘔而能食。可見毫釐之差。遂有千里之異。按二者大便俱閉。脈靜身涼。一安一危者。在乎氣通氣塞之間而已矣。

注意逐邪勿拘結糞

瘟疫可下者約三十餘証不必悉具。但見舌黃心腹痞滿便於達原飲加大黃下之。設邪在膜原者已有行動之機欲離未離之際得大黃促之而下實爲開門祛賊之法。即使未愈邪亦不能久羈。二三日後餘邪入胃仍用小承氣徹其餘毒。大凡客邪貴乎早治。乘人氣血未亂。肌肉未消。津液未耗。病人不至危殆。投劑不至掣肘。愈後亦易平復。欲爲萬全之策者。不過知邪之所在。早拔去病根爲要耳。但要諒人虛實。度邪之輕重。察病之緩急。揣邪氣離膜原之多寡。然後藥不空投。投藥無太過不及之弊。是以仲景自大柴胡以下立三承氣。多與少與自有輕重之殊。勿拘於下不厭遲之說。應下

傷寒有此說

之証見下無結糞以為下之早或以為不應下之証誤投下

藥殊不知承氣本為逐邪而設非專為結糞而設也必俟其

糞結血液為熱所搏變証迭起是猶養虎遺患醫之咎也况

多有溏糞失下但蒸作極臭如敗醬或如藕泥臨死不結者

可救枯燥者潤腸丸亦可服

但得穢惡一去邪毒從此而消脉証從此而退豈徒孜孜糞

此下比方語縱結無害

結而後行哉假如經枯血燥之人或老人血液衰少多在燥

結或病後血氣未復亦多燥結在經所謂不更衣十日無所

苦有所妨害是知燥結不致損人邪毒之為殞命也要知因

邪致熱熱致燥燥致結非燥結而致邪熱也但有病久失下

燥結為之壅閉疫邪鬱熱益難得泄結糞一行氣通而邪熱

乃泄此又前後之不同。總之邪爲本熱爲標。結糞又其標也。

能早去其邪。安有燥結耶。

亦是比。方語必要。逐邪之說。

假令滯下本無結糞。初起盾實頻數窘急者。宜芍藥湯。加大黃下之。此豈亦因結糞而然耶。乃爲逐邪而設也。或曰得毋爲積滯而設與。余曰非也。邪氣客於下焦。氣血壅滯。結而爲積。若去積以爲治。已成之積。方去未成之積。復生。須用大黃。逐去其邪。是乃斷其生積之源。榮衛流通。其積不治而自愈矣。詳快更有虛痢。又非此論。

或問脈証相同。其糞有結。有不結。何也。曰原其人病至大便當即不行。續得蘊熱。益難得出。蒸而爲結也。一者其人平素

大便不寔雖胃家熱甚但蒸作極臭狀如粘膠至死不結應
幸傷寒春溫論有云誤下之尚不為害誤汗之變不可言之句
下之証設引經論初硬後必溏不可攻之句誠為千古之弊

大承氣湯 大黃 五錢 厚樸 一錢 枳實 一錢

芒硝 二錢 水薑煎服弱人減半邪微者各復減半

小承氣湯 大黃 五錢 厚樸 一錢 枳實 一錢 水薑煎服

調胃承氣湯 大黃 五錢 芒硝 二錢三分 甘草 一錢

水薑煎服

按三承氣湯功用彷彿熱邪傳裏但上焦痞滿者宜小承
氣湯中有堅結者加芒硝軟堅而潤燥病久失下雖無結
糞然多粘膩極臭惡物得芒硝助大黃有蕩滌之能設無

滌音剔洗也

痞滿惟有宿結而有瘀熱者調胃承氣宜之三承氣功效俱在大黃餘皆治標之品也而耐藥湯者或嘔或畏當爲細末蜜丸湯下。

畜血

有悞用桂枝而熱入血分用肉桂而燥血亦能畜血後下出必有黑血或上吐血者亦有之

大小便蓄血便血不論傷寒時疫蓋因失下邪熱久羈無出以泄血爲熱搏留於經絡敗爲紫血溢爲腸胃瘀爲黑血便色如漆大便反易者因結糞得血而潤下結糞雖行真元已敗多至危殆其有喜妄如狂者此胃熱波及於血分血乃心之屬血中留火延蔓心家宜其有是証矣仍從胃治發黃一証胃實失下表裏壅閉鬱而爲黃熱更不泄傳血爲

瘀凡熱經氣不鬱熱鬱結又於血為同不致發黃熱不干血分不致蓄血同受其

邪故發黃而兼蓄血非蓄血而致發黃也。但蓄血一行熱隨

血泄黃因隨滅嘗見發黃者原無瘀血有瘀血者原不發黃

所以發黃當咎在經鬱熱若專治瘀血誤也。胃移熱於下

焦氣分小便不利熱結膀胱也移熱於下焦氣分膀胱蓄血

也小腹硬滿疑其小便不利今小便自利者責之蓄血也小

便不利亦有蓄血者非小便自利方為蓄血也。

胃實失下至夜發熱者熱留血分更加失下必致瘀血。初

則晝夜發熱日晡益甚既投承氣晝日熱減至夜獨熱者瘀

血未行也宜桃仁承氣湯服湯後熱除為愈或熱時前後縮

短再服再短蓄血盡而熱亦盡大勢已去亡血過多餘焰尙

存者宜犀角地黃湯調之。至夜發熱亦有癰瘡有熱入血室

皆非蓄血並未可下宜審。有熱病久大勢以退夜有微熱大腸有燥糞舌微黃右關脈微大用

潤腸丸或九蒸獨黃丸亦妙

獨黃丸亦妙

桃仁承氣湯方

桃仁承氣六般設蓄血下焦夜獨熱硝黃歸芍丹皮等通便除瘀稱妙絕。

大黃 芒硝 桃仁 當歸 芍藥 丹皮

照常煎服

犀角地黃湯 地黃 一兩 白芍 二錢 丹皮 一錢 犀角 二錢

鎊碎

右將地黃用溫水潤透。銅刀截作片。石臼內搗爛。再加水

調糊絞汁聽用其滓入藥同煎藥成去滓入前汁合服
 按傷寒太陽病不解從經傳腑熱結膀胱其人如狂血自
 下者愈血結不行者宜抵當湯今瘟疫初無表証而惟胃
 實故腸胃蓄血多膀胱蓄血少然抵當湯行瘀逐蓄之最
 者無分前後二便並可取用然蓄血結甚者在桃仁力所
 不及宜抵當湯蓋非大毒猛厲之劑不足以抵當故名之
 然抵當證所遇亦少存此以備萬一之用

抵當湯方 大黃 五錢 蟅虫 二十枚炙乾研碎
此味無考俗云牛馬蟅

桃仁 五錢研 水蛭 炙乾為末五分 照常煎服

發黃 疫邪傳裏遺熱下焦小便不利邪無輪泄經氣鬱滯

其傳爲疸身目如金者宜茵陳湯

茵陳 二錢 山梔 一錢 大黃 五錢 水薑煎服

按茵陳爲治疸退黃之專藥。今以病症較之。黃因小便不利。故用山梔。除小腸屈曲之火。瘀熱既除。小便自利。當以發黃爲標。小便不利爲本。及論小便不利。病緣不在膀胱。乃係胃家移熱。又當以小便不利爲標。胃實爲本。是以大黃爲耑功。山梔次之。茵陳又其次也。設去大黃。而服山梔。茵陳是忘本治標。鮮有效矣。或用茵陳五苓。不惟不能退黃。小便間亦難利。

茵陳 世皆用金鐘花者。非是本草云。不花不寔。陳根復發。故名茵陳。春月根發。白毛柔軟。細葉是也。

稊病疽。雖有濕熱。亦寒之分。脾。胃。虛。寒。濕。亦。留。滯。須。溫。補。

舊論發黃有從濕熱有從陰寒者是亦妄生枝節學者未

方愈

免多岐之惑矣。夫傷寒時疫。既以傳裏。皆熱病也。燻音萬

物者。莫過於火。是知大熱之際。燥必隨之。又何暇生寒。生

濕。辟若冰炭。豈容並處耶。既無其証。焉有其方。智者所不

信。古方有三承氣証。便於三承氣。加茵陳。山梔。當隨証

施治。方為盡善。

邪在胸膈

瘟疫胸膈滿悶。心煩喜嘔。欲吐不吐。雖吐而不得。大吐。腹中

滿。欲飲不能飲。欲食不能食。此疫邪留於胸膈。宜瓜蒂散吐

之。

瓜蒂散

試

瓜蒂失傳矣考之本草該是菜瓜俗又名稍瓜卻未

甜瓜蒂

一錢

赤小豆

二錢研碎

生山梔仁

二錢

右用水二鍾煎一鍾後入赤豆煎至八分先服四分一時後不吐再服盡吐之未盡煩悶尚存者再煎服如無瓜蒂以淡豆豉二錢代用

辨明傷寒時疫

五段

或曰子言傷寒與時疫有霄壤之隔今用三承氣及桃仁承氣抵當茵陳諸湯皆傷寒方也既用其方必同其証子何言之異也曰夫傷寒必有感冒之因或單衣風露或強力入水或臨風脫衣或當簷出浴當覺肌肉粟起既而四肢拘急惡

風惡寒。然後頭疼。身痛發熱惡寒。脉浮而數。脉緊無汗為傷

寒。脉緩有汗為傷風。若時疫初起。原無感冒之因。忽覺凜凜

以後但熱而不惡寒。然亦有所觸因而發者。或饑飽勞碌。或

焦思氣鬱。皆能觸動其邪。是促其發也。不因所觸無故自發

者居多。促而發者。十中之一二耳。且傷寒投劑一汗而解。時

疫發散。雖汗不解。傷寒不傳染於人。時疫能傳染于人。傷寒

之邪自毫竅而入。時疫之邪自口鼻入。傷寒感而即發。時疫

感而後發。傷寒汗解在前。時疫汗解在後。傷寒投劑可使立

汗。時疫汗解。俟其內潰。汗出自然。不可以期。傷寒解以發汗

時疫解以戰汗。傷寒不能發斑。時疫則能發斑。傷寒感邪在

初起

汗之從內潰而出

發得遲

凜凜微惡寒

六經傳變

經以經傳經時疫感邪在內內溢於經經不自傳傷寒感發

俗云不明不問之病

甚暴時疫多有淹纏二三日或漸加重或淹纏五六日忽然

重加傷寒初起以發表為先時疫初起以疎利為主種種不

同其所同者傷寒時疫皆能傳胃至是同歸於一故用承氣

湯輩導邪而出要之傷寒時疫始異而終同也夫傷寒之

邪自肌表一逕傳裏如浮雲之過太虛原無根蒂惟其傳法

始終有進而無退故下後皆能脫然而愈若時疫之邪始則

匿於膜原根深蒂固發時與榮衛交併客邪經由之處榮衛

猶羈纏也

未有不被其所傷者因其傷故名曰潰然不潰則不能傳不

傳邪不能出邪不出而疫不瘳時疫下後多有未能頓解

邪之同異也。

假如初得傷寒。爲陰邪。主閉藏而無汗。傷風爲陽邪。主開發而多汗。始有桂枝麻黃之分。原其感而未化也。傳至少陽。並用柴胡。傳至胃家。並用承氣。至是亦無復有風寒之分矣。推而廣之。是知疫邪傳胃。治法無異也。

發斑戰汗合論

凡疫邪留於氣分。解以戰汗。留於血分。解以發斑。氣屬陽而輕清。血屬陰而重濁。是以邪在氣分。則易踈透。邪在血分。恒多膠滯。故陽主速。而陰主遲。所以從戰汗者。可使頓解。從發斑者。當圖漸愈。

者何耶。蓋疫邪每有表裏分傳者。因有一半向外傳。邪留於肌內。一半向內傳。邪留於胃家。邪留於胃。故裏氣結滯。裏氣結。表氣因而不通。於是肌肉之邪不能即達於肌表。下後裏氣一通。表氣亦順向者。鬱於肌肉之邪。方能盡發於肌表。或斑或汗。然後脫然而愈。傷寒下後。無有此治。雖曰終同。及細較之。而終又有不同者。

及風寒。

或曰。傷寒感天地之正氣。時疫感天地之戾氣。氣既不同。俱用承氣。又何藥之相同也。曰。風寒。疫邪。與吾身之真氣。勢不兩立。一有所著。氣壅火積。氣也。火也。邪也。三者混一。與之俱化。失其本然之面目。至是均謂之邪矣。但以驅逐爲功。何論。

戰汗

疫邪先傳表。後傳裏。忽得戰汗。經氣輸泄。當卽脉靜身涼。煩

渴頓除。三五日後陽氣漸積。不待飲食勞碌。必然反復者。蓋

覺發熱而下未謂。脈必沉數。差久必現。裏証。

表邪已解。裏邪未去。纔覺發熱。下之卽解。疫邪表裏分傳。

下后自有汗。

亦下后又自有汗。

裏氣壅閉。非下不汗。下之未盡。日後復熱。當復下。復汗。瘟

疫下後煩渴。減腹滿去。或思食而知味。裏氣和也。身熱未除。

脉近浮。此邪氣拂鬱於經。表未解也。當得汗解。如未得汗。以

柴胡清燥湯和之。復不得汗者。從漸解也。不可苛求其汗。

應下。失下。氣消血耗。既下。欲作戰汗。但戰而不汗者。危。以中

氣虧微。但能降陷。不能升發也。次日當期復戰。厥回汗出者。

生厥不回汗不出者死以正氣脫不勝其邪也 戰而厥回

無汗者真陽尚在表氣枯涸也可使漸愈凡戰而不汗忽痊

者必死痊者身如尸牙關緊目上視 凡戰不可擾動但可

溫覆擾動則戰而中止次日當期復戰 戰汗後復下後越

二三日反腹痛不止者欲作滯下也無論已見積未見積宜

芍藥湯 芍藥湯方 白芍藥 一錢 當歸 一錢 枳榔 二錢

厚樸 一錢 甘草 七分 水薑煎服裏急後重加大黃三

錢紅積倍芍藥白積倍枳榔煎服

自汗

自汗者不日發散自然汗出也伏邪中瀆氣通得汗邪欲去

也若脉長洪而數身熱大渴宜白虎湯得戰汗方解 裏證

下後續得自汗雖二三日不止甚則四五日汗不止身微熱

熱甚則汗甚熱微汗亦微此屬實乃表有留邪也邪盡汗止

汗不止者宜柴胡湯以佐之表解則汗止設有三陽經証當

用三陽隨經加減法與協熱下利投承氣同義表裏雖殊其

理則一若誤認為表虛自汗輒用黃芪實表及止汗之劑則

悞矣有表証時當盛暑多作自汗宜下之白虎証自汗詳見

前若面無神色唇口刮白表裏無陽証喜熱飲稍冷則畏脉

微欲絕忽得自汗沒而無味者為虛脫夜發則晝死晝發則

夜亡急當峻補補不及者死大病愈後數日每飲食及驚動

承氣攻裏 義理相同

表未解自汗解表汗自止下利裏熱用

即三消飲加法

有陽明症者可也

亦有自汗

此段自汗危証 表裏虛汗急用好壯雜可以救急

卽汗此表裏虛怯宜人參養榮湯加黃芪

盜汗

汗証三則理當有熱不然用柴胡湯何為

裏証下後續得盜汗者表有微邪也若邪甚竟作自汗伏邪中潰則作戰汗矣凡人目張則衛氣行於陽目瞑則衛氣行於陰行陽謂升發於表行陰謂斂降於內行於陰不能衛護其表毫竅空疎微邪乘間而出邪盡而盜汗自止設不止者宜柴胡湯以佐之

時疫愈後脉靜身涼數日後反得盜汗及自汗者此屬表虛

宜黃芪湯續得反得二字宜詳

柴胡湯 柴胡 一錢 黃芪 一錢 陳皮 一錢 甘草 一錢

生薑一錢。大棗一枚。右方用人參半夏今表實故不用人參無嘔吐不加半夏。

黃芪湯

黃芪

三錢

五味子

三分

當歸

一錢

白朮

一錢

甘草五分

照常煎服。如汗未止加麻黃淨根一錢五分。

無有不止者。然屬實者常多。屬虛者常少。邪氣盛為實。正氣奪為虛。虛實之分。在乎有熱無熱。有熱為實。無熱為虛。若顛倒悞用。未免實實虛虛之弊。臨証當慎。

狂汗

狂汗者。伏邪中瀆。欲作汗解。因其人稟賦肥盛。陽氣冲繫。不能頓開。故忽然坐臥不安。且狂且燥。少頃大汗淋漓。狂躁頓

止脉靜身涼霍然而愈。此症歷過

發斑

邪留血分。裏氣壅閉。非下不斑。斑出為毒。邪外解。下後斑漸出。更不可大下。設有下証。少與承氣。緩緩下之。若復大下。中氣不振。斑毒內陷。則危。宜托裏舉斑。斑忽陷伏。則服不可見。斑便服。

托裏舉斑湯 白芍藥 當歸 各一錢 升麻 五分 白芷 七分

柴胡 七分 川山甲 二錢 炙黃為粗末

水薑煎服。下後斑漸出。復大下。斑毒復隱。反加循衣摸牀。撮空理線。脉漸微者。危。本方加人參一錢。補不及者死。若未下而先發斑者。設有下証。少與承氣。須從緩下。

數下亡陰

○猶重也

下証以邪未盡。不得已而數下之間。有兩目加澁。舌反枯乾。津不到。咽唇口燥裂。緣其所稟陽臟素多火。而陰虧者。今重亡津液。宜清燥養榮湯。設熱渴未除。裏証仍在。宜承氣養榮湯。

解後宜養陰忌投參朮

夫疫乃熱病也。邪氣內鬱。陽氣不得宣布。積陽爲火。陰氣每爲熱搏。暴解之後。餘焰尚在。陰血未復。大忌參芪白朮。得之反助其壅。鬱餘邪留伏。不惟日底淹纏。日後變生異証。或周身痛痺。或四肢攣急。或流火結疫。或遍身瘡瘍。或兩腿攣痛。

或勞嗽湧痰或氣毒流注或疫核穿漏皆驟補之爲害也若有陰枯血燥者宜清燥養榮湯若素多疫及少年平時肥盛者投之恐有泥膈之弊亦宜斟酌大抵時疫愈後調理之劑投之不當莫如靜養節飲食爲第一

清燥養榮湯

余嘗治陰虛血燥身熱脉空浮以六味湯加減殊效

知母 天花粉 當歸身 白芍 地黃汁 陳皮

甘草 加燈心煎服 表有餘熱宜柴胡養榮湯

柴胡養榮湯 柴胡 黃芩 陳皮 甘草 當歸 白芍

生地 知母 天花粉 薑棗煎服 裏証未盡宜

承氣養榮湯

承氣養榮湯

知母

當歸

芍藥

生地

大黃

枳實

厚樸

水薑煎服。疫涎湧甚。胸膈不清者。宜瓜貝養榮湯。

瓜貝養榮湯

知母

花粉

貝母

橘紅

白芍

瓜萆實

當歸

柴蘇子

水薑煎服

用參宜忌有前利後害之不同

凡人參所忌者。裏証耳。邪在表。及半表半裏者。投之不妨。表有客邪者。古方如參蘇飲。小柴胡湯。敗毒散是也。半表半裏者。如久瘧扶虛。用補中益氣。不但無礙。而且得效。即使暴瘧。邪氣正盛。投之。不當亦不至脹。為無裏証也。夫裏証者。不特

傷寒。瘟疫傳胃。至如雜証。氣鬱。血鬱。火鬱。濕鬱。疫鬱。食鬱。之

類。皆為裏証。投之即脹者。蓋以實填實也。

世有一種。小人見前醫用。下藥後有微煩未熄。者彼方中或

今瘟疫下後。適有暫時之通。即投人參。因而不脹。醫者輒言

以為用參之後。雖不見佳處。然不為禍。便為是福。乃恣意投

之。不知胃家喜通。惡寒。下後雖通。餘邪尚在。再四服之。則助

邪填實。前証後起。禍害隨至矣。間有失下。以致氣血虛耗者。

有因邪盛數下。及大下。而挾虛者。遂投人參。當覺精神爽慧。

醫者病者。皆以為得意。明後日再三投之。即加變証。蓋方下

之後。乘其胃家空濶。虛則沾其補。而未見害。弗思餘邪未盡。

任意投之。漸加壅閉。邪大復熾。愈投而變証愈增矣。良由下

後邪緩虛急是以補正之效顯而助邪之害隱也前後利害之不同者有如此。

下後間服緩劑

下後或數下膜原尚有餘結未盡傳胃邪與衛氣併故熱不能頓除當寬緩兩日俟餘邪聚胃再下之宜柴胡清燥湯緩劑調理。

柴胡清燥湯

柴胡

黃芩

陳皮

甘草

花粉

知母

薑棗煎服

下後反痞

疫邪留於心胸令人痞滿下之痞應去今反痞者虛也以其

更甚也

人或因他病先虧。或因新產後。氣血兩虛。或稟賦嬌怯。因而益虛。失其健運。邪氣留止。故令痞滿。今愈下而痞愈甚。若更用行氣破氣之劑。轉成壞證。宜參附養榮湯。

參附養榮湯 當歸 一錢 白芍 一錢 生地 三錢 人參 一錢

附子炮 七分 乾姜 一錢 照常煎服

果如前証。一服痞如失。倘有下証。下後脉實。痞未除者。再下之。此有虛實之分。一則有下証。下後痞即減者。為實。一則表雖微熱。脉不甚數。口不渴。下後痞反甚者。為虛。若潮熱口渴。脉數而痞者。投之。禍不旋踵。

下後反嘔

此即下証

疫邪留於心胸。胃口熱甚。皆令嘔不止。下之。嘔當去。今反嘔者。此屬胃氣虛寒。少進粥飲。便欲吞酸者。宜半夏藿香湯一服。嘔立止。穀食漸加。

半夏藿香湯

半夏

一錢五分

藿香

一錢

乾姜

炒一錢

白茯苓

一錢

廣皮

一錢

甘草

五分

白朮

炒一錢

水薑煎服

有前後一証。首尾內變者。其患疫時。心下脹滿。口渴發熱。而嘔。此應下之証也。下之諸証減去六七。嘔亦減半。再下之。脹除熱退。渴止。向則數日不眠。今則少寐。嘔獨轉甚。此疫已去。而諸証除。胃續寒而嘔甚。與半夏藿香湯一劑。而嘔即止。

奪液無汗

瘟疫下後。脉沉。下証未除。再下之。下後脉浮者。法當汗解。三五日不得汗者。其人預亡津液也。以下是一治案時疫得下。証日久。失下。日遂下利。純臭水。晝夜十數行。乃致口燥唇乾。舌裂如斷。醫者悞按仲景協熱下利。法因與葛根黃連黃芩湯。服之轉劇。邀子診視。乃熱結傍流。急與大承氣一服。去宿糞甚多。色如敗醬。狀如粘膠。臭惡異常。是晚利頓止。次日服清燥湯一劑。脉尚沉。再下之。脉始浮。下証減去。肌表僅存微熱。此應汗解。雖不得汗。然裏邪先盡。中氣和平。所以飲食漸進。半月後。忽作戰汗。表邪方解。蓋因下利日久。表裏枯燥之極。飲食半月。

津液漸回。方可得汗。所謂積流而渠自通也。可見脉浮身熱。非汗不解。血燥津枯。非液不汗。昔人以奪血無汗。今以奪液無汗。血液雖殊。枯燥則一也。

補瀉兼施

証本應下。耽閣失治。或爲緩藥羈遲。火毒壅閉。耗氣搏血。精神迫盡。邪火獨存。以致循衣摸牀。撮空理線。筋惕肉潤。支體振戰。目中不了了。皆緣應下失下之咎。邪熱一毫未除。元神將脫。補之則邪毒愈甚。攻之則幾微之氣不勝其攻。攻不可補。不可補瀉不及。兩無生理。不得已勉用陶氏黃龍湯。此証下亦死。不下亦死。與其坐以待斃。莫如含藥而亡。或有回生。

於萬一者。此証余亦屢驗矣。

黃龍湯 大黃 厚樸 枳實 芒硝 人參

地黃 當歸 照常煎服

按前証實為庸醫耽閣及今投劑補瀉不及。然大虛不補。虛何由以回。大實不瀉邪何由以去。勉用參地以回虛承氣以逐實。此補瀉兼施之法也。或遇此証純用承氣下証設用黃龍湯或免減稍神思稍甦。續得支體振戰。怔忡驚悸。心內如人將捕以下等症之狀。四肢反厥。眩暈鬱冒。項背強直。併前循衣摸牀。撮空等証。此皆大虛之候。將危之証也。急用人參養榮湯。虛候少回。速可併去。蓋傷寒瘟疫俱係客邪。為火熱燥証。人參

此又法中之法

固爲益元氣之神品。偏於益陽。有助火固邪之弊。當此又非良品也。不得已而用之。

人參養榮湯 人參 麥門冬 遼五味 地黃 當歸

知母 白芍藥 廣陳皮 甘草 照常煎服

如人方肉食而病適來。以致停積在胃。用大小承氣連下。惟是臭水稀糞而已。於承氣湯中。但加人參一味服之。雖三四十日所停之完穀及完肉。於是方下。蓋承氣藉人參之力。鼓舞胃氣。宿物始動也。亦先生之活法也。

藥煩

應下失下。真氣虧微。及投承氣。下咽少頃。額上出汗。髮根燥

痒邪火上炎手足厥冷甚則振戰心煩坐臥不安如狂之狀
此中氣素虧不能勝藥名爲藥煩凡遇此証急投薑湯卽已
藥中多加生薑煎服則無此狀矣更宜勻兩次服以防嘔吐
不納三次服亦不妨

停藥

服承氣腹中不行或次日方行。雜病有胃寒。投藥涼卽時吐者或半日仍吐原藥此因病久審之。
失下中氣大虧不能運藥名停藥乃天元幾絕大凶之兆也
宜生薑以和藥性或加人參以助胃氣又有邪實病重劑輕
亦令不行當審

虛煩似狂

有似傷寒懊憹証。懊憹因下早而成。此虛煩。不因下而成。

時疫坐臥不安。手足不定。臥未穩則起。坐纔著。坐即亂走。纔

抽身。又欲臥。無有寧刻。或循衣摸牀。撮空撚指。師至纔診脉。

將手縮去。六脉不甚顯。尺脉不至。此平時斷喪根源。虧損因

不勝其邪。元氣不能主持。故煩燥不寧。固非狂証。其危有甚

有下証可據

於狂也。法當大補。然急有下者。或下後厥回。尺脉至。煩燥少

定。此因邪氣少退。正氣暫復。微陽少伸也。不二時邪氣復聚。

前証復起。勿以前下得効。今再下之。下之速死。急宜峻補。補

不及者死。此証表裏無大熱。下証不備者。庶幾可生。譬如城

郭空虛。雖殘寇而能直入。戰不可守。不可其危可知。

神昏譫語

先失下而下。後證語者方。為虛症設。下症不盡仍作寔。治
應下稽遲血竭氣耗內熱煩渴譫語諸下証具而數下之渴

熱並減下証悉去五六日後譫語不止者不可以為實此邪

或二三声

氣去元神未復宜清燥養榮湯加神砂一錢鄭聲譫語態度
無二但有虛實之分不應另立名色

奪氣不語

時疫下後氣血俱虛神思不清惟向裏床睡似寐非寐似寤
非寤呼之不應此正氣奪與其服藥不當莫如靜守虛回而
神思自清語言漸朗若攻之脉必反數四肢漸厥此虛虛之
此此詳審
禍危在旦夕凡見此証表裏無大熱者宜人參養榮湯補之
能食者自然虛回而前証自除設不食者正氣愈奪虛証轉

加法富峻補

老少異治

三春旱草得雨卽榮。殘臘枯枝雖灌。弗澤凡年高之人最忌。剝削投設承氣。以一當十。設用參朮。十不抵一。蓋老年榮衛。枯澆幾微。之元氣易耗。而難復也。不比少年氣血生機甚捷。其勢淳然。但得邪氣一除。正氣隨復。所以老年慎瀉。少年慎補。何況候用耶。萬有年高。稟厚年少。賦薄者。又當從權。勿以常論。

妄投破氣藥論

瘟疫心下脹滿。邪在裏也。若純用青皮。枳實。檳榔。等香燥。破

氣之品冀其寬脹。此大謬也。不知內壅氣閉。原有主客之分。假令根於七情鬱怒。肝氣上升。飲食過度。胃氣填實。本無外來邪毒。客氣相干。止不過自身之氣壅滯。投木香砂仁豆蔻。枳殼之類。上升者卽降。氣閉者卽通。無不立効。今疫毒之氣傳於胸胃。以致升降之氣不利。因而脹滿。實爲客邪。累及本氣。但得客氣一除。本氣自然升降。脹滿立消。若專用破氣之劑。但能破正氣。邪毒何自而泄。脹滿何由而消。治法非用小承氣。弗愈。旣而腸未燥。結下旣不通。中氣鬱滯。上焦之氣不能下降。因而充積。卽膜原或有未盡之邪。亦無前進之路。於是表裏上中下三焦皆阻。故無痞滿燥實之証。得大承氣一

行所謂一竅通諸竅皆通。大關通而百關盡通也。向則鬱於腸胃之邪。由此而下。腸胃既舒。在膜原設有所傳不盡之餘。邪方能到胃。乘勢而下也。辟若河道阻塞。前舟既行。餘舟連尾而下矣。至是邪結並去。脹滿頓除。皆藉大黃之力。大黃本非破氣藥。以其潤而最降。故能逐邪拔毒。破結導滯。加以枳椇者。不無佐使云爾。若純用破氣之品。津液愈耗。熱結愈固。滯氣無門而出。疫毒無路而泄。乃望其寬胸利膈。惑之甚矣。

妄投補劑藥論

有邪不除。淹纏日久。必至尪羸。庸醫望之。輒用補劑。殊不知無邪不病。邪去而正氣得通。何患乎虛之不復也。今投補劑。

邪氣益固正氣日鬱轉鬱轉熱轉熱轉瘦轉瘦轉補轉補轉鬱循環不已。乃至骨立而斃。猶言服參幾許。補之不及。天數也。病家止誤一人醫者終身不悟。不知殺人無算。

妄投寒涼藥論

疫邪結於膜原。與衛氣并。因而晝夜發熱。五更稍減。日晡益甚。此與癰瘡相類。癰瘡熱短。過時如失明。日至期復熱。今瘟疫熱長。十二時中首尾相接。寅卯之間。乃其熱之首尾也。卽二時餘。焰不清。似乎日夜發熱耳。其始也。邪結膜原。氣并爲熱。胃本無病。誤用寒涼。妄伐生氣。化其悞者一。及邪傳胃。煩渴口燥。舌乾胎刺。氣噴如火。心腹痞滿。午後朝熱。此應下之。

証若用大劑芩連梔栝專務清熱竟不知熱不能自成其勢
皆由邪在胃家阻礙正氣鬱而不通火亦留止積火成熱但
知火與熱不知因邪而為熱火智者必投承氣逐去其邪氣
行火泄而熱自己若槩用寒涼何異揚湯止沸每見今醫好

用黃連解毒湯黃連瀉心湯先生豈不知素問之旨黃連之寒蓋本素問熱淫所勝治以寒涼

但非疫病為邪閉塞之熱所宜不得不辨之

以為聖人之言必不我欺况熱病用寒藥最是捷徑又何疑
乎每遇熱甚反指大黃能泄而損元氣黃連清熱且不傷元
氣更無下泄之患且得病家無有疑慮守此以為良法由是
凡遇熱証大劑與之二三錢不已增之四五錢熱又不已晝
夜連進其病轉劇至此技窮力竭反謂事理當然又見有等

日久腹皮貼背乃謂胃承氣証也。况無痞滿亦不敢議承氣。

唯類聚寒涼滯務清熱。又思寒涼之最者莫如黃連。因而再

經云若為火化氣

倍之曰近危篤。有邪不除。耽悞至死。猶言服黃連至幾兩熱

終熱能燥能 烘。十黃連是也。須知此理。

不能清。非藥之不到。或言不治之証。或言病者之數也。他日

理該自恨。每見有此

凡遇此証。每每如是。雖父母妻子。不過以此法毒之。蓋不知

黃連苦而性滯。寒而氣燥。與大黃均為寒藥。大黃走而不守。

黃連守而不走。一燥一潤。一通一塞。相去甚遠。且邪疫首尾

以通行為治。若用黃連。反招閉塞之害。邪害何由以泄。病根

何由以拔。既不知病原。烏能以愈疾耶。

問曰。間有進黃連而得効者。何也。曰。其人正氣素勝。又因所

受之邪本微。此不藥自愈之証。醫者悞投溫補。轉補轉鬱。轉鬱轉熱。此以三分客熱。轉加七分本熱也。客熱者。因客邪所鬱。正分之熱也。此非黃連可愈。本熱者。因悞投溫補。正氣轉鬱。反致熱極。故續加煩渴。不眠譫語等証。此非正分之熱。乃庸醫添造分外之熱也。誤投黃連。於是煩渴不眠。譫語等証。頓去。要之黃連。但可清去七分。無邪本熱。又因熱滅。而正氣卽回。所存三分。有邪客熱。氣行卽已。醫者不解。遂以爲黃連得効。他日藉此槩治。客熱則無効矣。又以昔効而今不効。疑其病原本重。非藥之不到也。執迷不悟。所害更不可勝計矣。

黃連只可清熱。不能解結。有耽誤病。

問曰。間有未經溫補之誤。進黃連而疾愈者。何也。曰。凡元氣

體而致死非能殺人也

勝病為易治病勝元氣為難治元氣勝病者雖慢治未必皆死病勝元氣者稍慢未有不死者此因其人元氣素勝所感之初本微是其氣有餘足以勝病也雖少與黃連不能抑鬱正氣此為小逆以正氣猶勝而疾幸愈也醫者不解竊自邀功他日設遇邪氣勝者非導邪不能瘳其疾慢投黃連反招閉塞之害未有不危者

大便

此段總言四症辨別於後

結熱傍流協熱下利大便閉結大腸膠閉總之邪在裏其証不同者在乎通塞之間耳

一症協熱下利者其人大便素不調邪氣忽乘於胃便作煩渴一

如平時泄瀉稀糞而色不敗甚則色但焦黃而已此邪傳裏不能稽留於胃至午後潮熱便作泄瀉子後熱退泄瀉亦減次日不作潮熱利亦止為病愈潮熱未除利不止者宜小承氣湯以撤其餘邪而利自止利止二三日後午後忽加

渴煩潮熱下泄仍如前証此伏邪未盡復傳到胃也治法同前

大便秘結者疫邪傳裏內熱壅鬱宿糞不行蒸而為結漸至

黑硬下之結糞一行瘀熱自除諸証悉去熱結傍流者以

胃家實內熱壅閉先大便秘結續得下利純臭水全然無糞

日三四度或十數度宜大承氣湯得結糞而利立止服湯不

得結糞仍下利純臭水并所進湯藥因大腸邪勝失其傳送

即承氣湯

結得甚

胸節菴云心下硬痛利清水熱結利症謔語熱渴用黃龍湯

三証

前

之職知邪猶在也。病必不減，宜更下之。

四証

大腸膠閉者，其人平素大便不實，設遇疫邪傳裏，但蒸作極

下出來方見膠粘之狀，先雖鮮手，但云積滿。

臭狀如粘膠，至死不結，但愈蒸愈閉，以致胃氣不能下行，疫

毒無路可出，不下即死，但得粘膠一去，下証自除，霍然而愈。

瘟疫愈後三五日或數日，反腹痛裏急者，非前病原也。此下

俗云傷寒轉痢症。

焦別有伏邪所發，欲作滯下也。發於氣分則為白積，發於血

分則為紅積，氣血俱病，紅白相兼，邪盡利止未止者，宜芍藥

湯。方見前。

愈後大便數日不行，別無他証，此是三陰不足以致大腸虛

方問。

燥，此不可攻，飲食漸加，津液流通，自能潤下也。覺穀道_{方問}空悶。

膀胱症、治分明宜、與嘉應門參看

熱到膀胱小便赤色邪到膀胱干於氣分小便膠濇干於血

分溺血蓄血留邪欲出小便急數膀胱不約小便自遺膀胱

熱結小便閉塞

熱到膀胱者其邪在胃胃熱灼於下焦在膀胱但有熱而無

邪惟令小便赤色而已其治在胃

前云熱到膀胱此云邪到膀胱邪乃毒邪非輕微之熱也

邪到膀胱者乃疫邪分布下焦膀胱實有之邪不止於熱也

無非承氣湯

利水耳

從胃來者治在胃兼治膀胱若純治膀胱胃氣乘勢壅入膀胱

非其治也若腸胃無邪獨小便急數或白膏如馬遺其治

在膀胱宜猪苓湯

猪苓湯方 邪於氣分者宜之

宜作蜜箭導甚則宜六成湯

以腎泄。

病愈後脈遲細而弱每至黎明或夜半後便作泄瀉此命門

真陽不足宜七成湯 亦有雜証屬實者宜大黃丸下之愈。

六成湯方 當歸 一錢五分 白芍藥 一錢 地黃 五錢

天門冬 一錢 肉蓯蓉 三錢 麥門冬 一錢

照常煎服日後更燥者宜六味丸 少減澤瀉

七成湯方 破故紙 炒香搥碎三錢 熟附子 一錢 遼五味 八分

白茯苓 一錢 人參 一錢 甘草 炙五分

照常煎服愈後更發者宜八味丸倍加附子。

小便

猪苓 一錢 澤瀉 一錢 滑石 一錢 甘草 八分 木通 一錢

車前 二錢 燈心煎服

桃仁湯方 邪於血分者宜之。

桃仁 三錢 研如泥 丹皮 一錢 當歸 一錢 赤芍 一錢 阿膠 二錢

滑石 五錢 照常煎服。小腹痛按之硬痛小便自調。有畜

血也。加大黃三錢甚則抵當湯藥分三等隨其病之輕重

而施治。

前後虛實

病有先虛後實者宜先補而後瀉。有先實後虛者宜先瀉而後補。假令先虛後實者或因他病先虧或因年高血弱或因

先有勞倦之極。或因新產亡血過多。或舊有吐血及崩漏之証。時疫將發。卽觸動舊疾。或吐血或崩漏。以致亡血過多。然後疫氣漸漸加重。已上並宜先補而後瀉。瀉者謂疎導之劑。并承氣下藥。槩而言之也。凡遇先虛後實者。此萬不得已而投補劑一二貼。後虛証少退。便宜治疫。若補劑連進。必助疫邪禍害隨至。假令先實而後虛者。疫邪應下。失下血液爲熱。搏盡原邪尙在。急宜下之。邪退六七。急宜補之。虛回五六。慎勿再補。多服則前邪復起。下後必竟加添虛証者。方補。若以意揣度其虛。不加虛証。不見虛証誤用補劑。貽害不淺。

瘟疫得裏証神色不敗言動自如別無怪証忽然六脉如絲

難之脈須以外症參之方敢下之

微細而軟甚至於無或兩手俱無或一手先伏察其人不應

有此脉今有此脉者皆緣應下失下內結壅閉榮氣逆於內

不能達於四支此脉厥也亦多有過用黃連石膏諸寒之劑

強遏其熱致邪愈結脉愈不行醫見脉微欲絕以為陽証得

陰脉為不治委而棄之以此悞人甚眾若用人參生脉散等

劑不旋踵宜承氣緩緩下之六脉自復

脉証不應

表証脉不浮者可汗而解以邪氣微不能牽引正氣故脉不

應裏証脉不沉者可下而解以邪氣微不能抑鬱正氣故

脉不應。陽証見陰脉。有可生者。神色不敗。言動自如。乃稟

賦脉也。再問平日無此脉。乃脉厥也。下後脉實。亦有病愈。

者。但得証減。後有實脉。乃天年脉也。夫脉不可一途而取。

須以神氣形色。病証相參。以決安危爲善。

張崑源。正年六旬。得滯下。後重窘急。日三四十度。脉常歇。至

諸醫以爲雀啄脉。必死之候。咸不用藥。延余診視。其脉參伍。

不調。或二動一止。或三動一止。而復來。此澁脉也。年高血弱。

下利濃血。六脉短澁。固非所能任。詢其飲食不減。形色不變。

聲音烈烈。言語如常。非危証也。遂用芍藥湯。加大黃三錢。大

下。純膿成塊者兩碗。許自覺舒快。脉氣漸續。而利亦止。數年

後必得傷風咳嗽痰涎湧甚診之又得前脈與杏枯湯二劑
見其婦必美色夫必貪色以致此戒之在色守身者之大也
嗽止脈調乃見其婦凡病善作此脈大抵治病務以形色脈
証參考庶不失其大體方可定其吉凶也

體厥

陽証脈閉身冷如水為體厥。

施納聲賣卜頗行年四旬稟賦肥甚六月患時疫口燥舌乾
胎刺如鋒不時太息咽喉腫痛心腹脹滿按之痛甚渴思水
水日晡益甚小便赤澁得涓滴則痛甚此下証悉備但通身
肌表如水指甲青黑六脈如絲尋之則有稍按則無醫者不
究裏証熱極但引陶氏全生集以為陽証但手足厥逆若冷

陶節卷六書有此論

過乎肘膝便是陰証今已通身冰冷比之冷過肘膝更甚宜

其為陰証一也且陶氏以脉分陰陽二証全在有力無力中

分今已脉微欲絕按之如無比之無力更甚宜其為陰証一

也陰証而得陰脉之至有何說焉以內諸陽証竟置不問遂

定附子理中湯未服延予至以脉相參表裏互較此陽証之

最者下証悉具但嫌下之晚耳蓋因內熱之極氣道壅閉乃

至脉微欲絕此脉厥也陽鬱則四肢厥逆况素稟肥盛尤易

壅閉今亢陽已極以致通身永冷此體厥也六脉如無者羣

龍無首之象証亦危矣急投大承氣湯囑其緩緩下之脉至

厥回便得生矣其妻聞一曰陰証一曰陽証天地懸隔疑而

陽反潛匿之象

乾卦用九見羣龍無首吉乾卦六爻皆吉龍純陽之象故引之以無首

這纔是

可恨

不服更請一醫。詣言陰毒須炙丹田。其兄叠延三醫。續至皆言陰証。妻乃惶感。病者自言何不卜之。神明遂卜得從陰則吉。從陽則凶。更惑等醫之議。陰証者居多。乃進附子湯。下咽如火。煩燥頓加。乃嘆曰。吾已矣。藥之所悞也。言未已。更加踈躅。逾時乃卒。嗟乎。向以下謀生。終以下謀死。悞人還自悞。可為醫巫之鑒。

乘除

病有純虛純實。非補卽瀉。何有乘除。設遇既虛且實者。補瀉間用。當詳孰先孰後。從少從多。可緩可急。隨其証而調之。吳江沈清來正少寡。素多鬱怒。而有吐血証。歲二三發。吐後

卽已無有他証蓋不以爲事也三月間病並非舊証但小發
熱頭疼身痛不惡寒而微渴惡寒不渴者感冒風寒今不惡
寒微渴者疫也至第一日舊証大發吐血勝常更加眩暈手
振煩燥種種虛狀飲食不進且熱漸加重醫者病者但見吐
血以爲舊証復發不知其爲疫也故以發熱認爲陰虛頭疼
身痛認爲血虛不察未吐血前一日已有前証非吐血後所
加之証也諸醫議補問余可否余曰失血補虛權宜則可蓋
吐血者內有結血正血不能歸經所以吐也結血牢固豈能
止乎能去其結於中無阻血自歸經方冀不發若吐後專補
補則血滿旣滿不歸血從上溢也悞用寒冷尤悞投補劑者

只顧目前之虛用參暫効不能拔去病根日後又發也。况又
兼疫今非昔比。今因疫而發血脫爲虛邪在爲實。是虛中有
實。若投補劑始則以實填虛。沾其補益。既而以實填實。災害
立至。於是暫用人參二錢。以芪苓歸芍佐之。兩劑後虛証減
退。熱減六七。醫者病者皆謂用參得効。均欲速進。余禁之不
止。乃恣意續進。便覺心胸煩悶。腹中不和。若有積氣。求噦不
得。此氣不時上升。便欲作嘔。心下難過。遍體不舒。終夜不寐。
喜按摩搥擊。此皆外加有餘之變証也。所以然者。止有三分
之疫。只應三分之熱。適有七分虛。經絡枯澁。陽氣因陷。故
有十分之熱。分而言之。其間是三分實熱。七分虛熱也。向則

本氣空虛不與邪搏故無有餘之証。但虛不任邪。惟懊懣鬱。冒眩暈而已。今投補劑。是以虛証不去。熱減去七。所餘三分之熱者。實熱也。乃是病邪所致。斷非人參可除者。今再服之。反助疫邪。邪正相搏。故加有餘之變証。因少與承氣微利之。而愈。按此病。設不用藥。宜靜養數日。亦愈。以其人大便一二日一解。則知胃氣通行。邪氣在內。日從胃氣下趨。故自愈。間有大便自調而不愈者。內有灣糞。隱曲不行。下之得宿糞。極臭者。病始愈。設邪未去。恣意投參。病乃益固。日久不除。醫見形體漸瘦。便指爲怯証。愈補愈危。死者多矣。要之真怯証。世間從來罕有。今患怯証者。皆是人參成之。近代參價如金。服

者不便是以此謂不死於貧家多死於富室也

雜氣論

日月星辰天之有象可睹。水火土石地之有形可求。昆蟲草木動植之物可見。寒熱溫涼四時之氣往來可覺。至於山嵐瘴氣嶺南毒霧咸得地之濁氣。猶或可察。而惟天地之雜氣種種不一。亦猶天之有日月星辰。地之有水火土石。氣交之中有昆蟲草木之不一也。草木有野葛巴豆。星辰有羅計熒惑。昆蟲有毒蛇猛獸。土石有雄硫碓信。萬物各有善惡不等。是知雜氣之毒亦有優劣也。然氣無形可求。無象可見。况無聲復無臭。何能得睹得聞。人惡得而知其氣。又惡得而知其

氣之不一也是氣也其來無時其著無方衆人有觸之者各

隨其氣而為諸病焉其為病也或時衆人發頤或時衆人頭

面浮腫俗名為大頭瘟是也或時衆人咽痛或時聲啞俗名

為蝦蟆瘟是也或時衆人瘡痢或為痺氣或為痘瘡或為斑

疹或為瘡疥疔瘡或時衆人目赤腫痛或時衆人嘔血暴亡

俗名為瓜瓢瘟探頭瘟是也或時衆人瘦疾俗名為疔瘡瘟

是也為病種種難以枚舉大約病偏於一方沿門合戶衆人

相同者皆時行之氣即雜氣為病也為病種種是知氣之不

一也蓋當時適有某氣專入某臟腑某經絡專發為某病故

衆人之病相同是知氣之不一非關臟腑經絡或為之證也

大腹脹

此段是雜病亦言疔氣候使然

喉痺方音頤

胸高胸起嘔血如汗

發塊如瘡走流遍身

上一種大瘟

夫病不可以年歲四時爲拘蓋非五運六氣所印定者是知
氣之所至無時也。或發於城市或發於邨落他處截然無有。
是知氣之所著無方也。疫氣者亦雜氣中之一俱有甚於他
氣故爲病頗重。因名之厲氣。雖有多寡不同然無歲不有。至
於瓜瓢瘟。疔瘡瘟。緩者朝發夕死。急者頃刻而亡。此在諸疫
之最重者。幸而幾百年來罕有之證。不可以常疫並論也。至
於發頤咽痛。目赤斑疹之類。其時村落中偶有一二人所患
者。雖不與眾人等。然考其症甚合某年某處眾人所患之病。
纖悉相同。治法無異。比卽當年之襍氣。但目今所鍾不厚。所
患者希少耳。此又不可以眾人無有斷爲非雜氣也。况雜氣

風寒暑濕燥火之六氣善調護者能之雜氣

無形無聲人難避却故感之者多但人未推到此細微非先
爲病最多而舉世皆誤認爲六氣假如誤認爲風者如大麻
生之穿鑿也

風鶴膝風痛風歷節風老人中風腸風厲風癩風之類概用

風藥未常一効寔非風也皆雜氣爲病耳至又誤認爲火者

此數症乃雜氣之顯者也

如疔瘡發背癰疽瘰癧毒氣毒流注流火丹毒與夫發斑痘疹

之類以爲諸痛瘡瘍皆屬心火投芩連梔柏未常一効實非

是暑天之雜氣尤顯

火也亦雜氣之所爲耳至於誤認爲暑者如霍亂吐瀉瘧痢

暴注腹痛絞腸痧之類皆誤認爲暑因作暑證治之未嘗一

效與暑何與焉至於一切雜証無因而生者並皆雜氣所成

從古未聞者何耶蓋因諸氣來而不知感而不覺惟向風寒
暑濕所見之氣求之是令無聲無臭不睹不聞之氣推察既

錯認病原病原誤投六氣之藥如牛為行人所反在本處
錯認病原未免誤投他藥大易所謂或繫之牛行人之得邑
邑人中詰責攪擾為無妄之災三句比方語
人之災也。劉河間作原病式。蓋視五運六氣百病皆原於風
寒暑濕燥火。謂無出此六氣為病。而不知雜氣為病。更多於
六氣為病者百倍。良以六氣有限。現在可測。雜氣無窮。茫然
不可測也。專務六氣。不言雜氣。焉能包括天下之病歟。

論氣盛衰

其年疫氣盛行。所患皆重。最能傳染。即童輩皆知為疫。至於
微疫。反覺無有。蓋毒氣鍾厚也。

其年疫氣衰少。閭里所患者。不過幾人。且不能傳染。時師皆
以傷寒為名。不知者固不言疫。知者亦不便言疫。然則何以

知其為疫蓋脈証與盛行之年所患之證纖悉相同至於用

予亦試驗屢矣

藥取效毫無差別是以知瘟疫四時皆有常年不斷但有多

寡輕重耳

疫氣不行之年微疫轉有眾人皆以感冒為名實不知為疫也設有發散之劑雖不合病原然亦無大害疫自愈實非藥也即不藥亦自愈至有稍重者誤投發散其害尚淺若誤用補劑及寒涼反成痼疾不可不辨

論氣所傷不同

所謂雜氣者雖曰天地之氣實由方土之氣也蓋其氣從地而起有是氣則有是病譬如所言天地生萬物然亦由方土

之產也。彼植物藉雨露而滋生，動物藉飲食而頤養，必先有是氣。然後有是物。推而廣之，有無限之氣，因有無限之物也。陰陽五行也。但二五之精，未免生尅制化，是以萬物各有宜忌。宜者益而忌者損，損者制也。故萬物各有所制，如貓制鼠，如鼠制象之類。既知以物制物，即知以氣制物矣。以氣制物者，蟹得霧則死，棗得霧則枯之類。此有形之氣。動植之物，皆爲所制也。至於無形之氣，偏中於動物者，如牛瘟、羊瘟、雞瘟、鴨瘟，豈但人疫而已哉。然牛病而羊不病，雞病而鴨不病，人病而禽獸不病，究其所傷不同，因其氣各異也。知其氣各異，故謂之雜氣。夫物者，氣之化也。氣者，物之變也。氣即是物，物即是氣。知氣

寒邪在表，麻黃發之。疫邪在膜，原栝柳驅之。從外清，邪在胸膈，瓜蒂吐之。邪在裏，大黃導之。使下，出皆物制氣也。
 可以制物則知物之可以制氣矣。夫物之可以制氣者，藥物也。如蜒蚰解蜈蚣之毒，貓肉治鼠瘻之潰，此受物氣之為病。是以物之氣制物之氣，猶或可測。至於受無形雜氣為病，莫知何物之能制矣。惟其不知何物之能制，故勉用汗吐下三法以決之。嗟乎，卽三法且不能盡善，况乃知物乎？能知以物制氣一病，只有一藥。藥到病已，不煩君臣佐使，品味加減之勞矣。

蚘厥 蚘音回

人謂蚘為胃中消食蟲為本。有之物者，非也。予謂蚘者，即疫邪傳裏胃熱如沸，蚘動不安，下既不通，必反於上。蚘因吐是病也，所以小兒多有之。病至吐蚘，胃已傷矣。每見熱病出此常事也，但治其胃，蚘厥自愈。每見醫家妄引經論以為

吐虻經云。臍寒。虻上入臍。其人當吐虻。又云。胃中冷。必吐虻之。句。便用。嘗見吐虻者多死也。要升平。人無虻也。烏梅圓。或理中安虻湯方中。乃細辛。附子。乾薑。桂枝。川椒。皆辛熱之品。投之。如火上添油。殊不知疫證。表裏上下皆熱。始終畧無寒証者。不思現前事理。徒記紙上文辭。以為依經傍註。坦然用之無疑。因此誤人甚衆。

呃逆

胃氣逆則為呃逆。吳中稱為冷呃。以冷為名。遂指為胃寒。不知寒熱皆令呃逆。且不以本証相參。專執俗語為寒。遂投了蒂薑桂。誤人不少。吾願執辭害義者。臨證猛省。治法各從其本。證而消息之。如見白虎證。則投白虎。見承氣。

證則投承氣。膈間痰閉則宜導痰。如果胃寒。丁香柿蒂散宜之。然不若四逆湯。功效殊捷。要之但治本證。哕自止。其他可以類推矣。

似表非表似裏非裏

時疫初起。邪氣盤踞於中。表裏阻隔。裏氣滯而爲悶。表氣滯爲頭疼身痛。因見頭疼身痛。往往誤認爲傷寒表証。因用麻黃桂枝香蘇葛根敗毒丸味羌活之類。此皆發散之劑。強求其汗。妄耗津液。經氣先虛。邪氣不損。依然發熱也。更有邪氣傳裏。表氣不能通於內。必壅於外。每至午後潮熱。熱甚則頭

凡頭痛

醫者必須問其脹否以下論傳裡頭痛

脹痛熱退則已。此其表實者耶。以上似表誤爲表証。妄投升

散之劑原邪愈實火氣上升頭疼轉甚須下之裏氣一通經

氣降而頭疼立止若果感冒頭疼無時不痛為可辨也且有別

別証相參不可一途而取若汗若下後脈靜身涼渾身支

節反加痛甚一如被杖一如墜傷少動則痛苦號呼此經氣

虛榮衛行澁也三四日內經氣漸回其病漸止雖不藥必自

愈設妄引經論以為風濕相搏一身盡痛不可轉側遂投踈

風勝濕之劑身痛反劇以無誤人甚眾

傷寒傳胃即便潮熱譫語下之無辭今時疫初起便作潮熱

熱甚亦能譫語誤認為裏証妄用承氣是為誅伐無辜不知

伏邪附近於胃邪未入腑亦能潮熱午後熱甚亦能譫語不

仙方合集下卷 醒醫六書 五十四

待胃實而後能也。假令常瘧熱甚，亦作譫語痺瘧，不惡寒，但作潮熱。此豈胃實者耶？以上似裏誤投承氣，裏氣先虛，及邪陷胃轉胸腹而脹滿煩渴益甚。病家見勢危篤，以致更醫醫見下藥病甚，乃指大黃爲砒毒，或投瀉心，或投柴胡枳桔，留邪在胃，變証日增，神脫氣盡而死。向則不應下而反下之，今則應下而反失下，蓋因表裏不明，用藥前後失序之誤。

論食

時疫有首尾，皆能食者，此邪不傳胃，切不可絕其飲食，但不宜過食耳。有愈後數日微渴微熱，不思食者，此微邪在胃，正氣衰弱，強與之，卽爲食復。有下後一日便思食，食之有

味當與之先與米飲一小杯加至茶既漸進稀粥不可盡意
飢則再與如忽加吞酸反覺無味乃胃氣傷也當停穀一日
胃氣復復思食也仍如漸進法有愈後十數日脈靜身涼
表裏俱和但不思食者此中氣不甦當與粥飲迎之得穀後
卽思食覺飢久而不思食者一法以人參一錢煎湯與之以
喚胃氣忽覺思食餘勿服

論飲

煩渴思飲酌量與之若引飲過多自覺水停心下名停飲宜

四苓散最效。凡云欲飲水者卽冷水也若淡冰則謂之如大渴思飲水水及冷飲無論四時皆可量

與蓋內熱之極得冷飲相救甚宜能飲一升止與半升寧使

少頃再飲。至於梨汁藕汁漿西瓜皆可備不時之需。如不欲飲冷。當易白滾湯與之。乃至不思飲。則知胃和矣。

茯苓湯

白茯苓

乙錢

澤瀉

乙錢五分

猪苓

乙錢五分

陳皮

乙錢

取長流水煎服。古方有五苓散。用桂枝者。以太陽中風。表証未罷。併入膀胱。用四苓以利小便。加桂枝以解表邪。為雙解散。即如少陽併於胃。以大柴胡通表裏而治之。今人但見小便不利。便用桂枝。何異聾者之聽宮商。胃本無病。故加白朮以健中。今不用白朮者。疫邪傳胃而渴。白朮性壅。恐以實填實也。加陳皮者。和中利氣也。

損復

邪之傷人也。始而傷氣，繼而傷血，繼而傷肉，繼而傷筋，繼而

傷骨。邪毒既退，始而復氣，繼而復血，繼而復肉，繼而復筋，繼

柔婦女脆小兒

右西北左東南

而復骨。以柔脆者易損，亦易復也。天傾西北，地陷東南，故

男先傷右，女先傷左。及其復也，男先復左，女先復右。以素虧

者易損，以素實者易復也。

嚴供甫，正年三十時疫後，脈証俱平。飲食漸進，忽然肢體浮腫，別無所苦。此卽氣復也。蓋大病後血未甚，氣暴復，血乃氣之依歸。氣無所依，故爲浮腫。嗣後飲食漸加，浮腫漸消。若誤投行氣利水藥，則謬矣。

張德甫，年二十，患禁口痢。晝夜無度，肢體僅存皮骨。痢雖減。

毫不進穀。投人參一錢煎湯入口。不一時身忽浮腫如吹氣。毳之速。自後飲食漸進。浮腫漸消。腫間已有肌肉矣。

若大病後。三黑受傷。不能通調水道。下輸膀胱。肢體浮腫。此

水氣也。與氣復懸絕。宜金匱腎氣丸。及腎氣煎。若悞用行氣

利水藥。必劇。凡水氣足冷肢體常重。氣復足不冷肢體常輕。

為異。

此辨須知。

俞桂玉。正年四十。時疫後。四肢脫力。竟若癱瘓。數日後。右手始能動。又三日。左手方動。又俞桂岡。子室所患皆然。

標本

諸竅。乃人身之戶牖也。邪自竅而入。未有不由竅而出。經曰

未入於肺者可汗而已已入於肺者可下而已麻葛君復增
汗吐下三法總是導引其邪打從門戶而出可為治法之大
綱舍此皆治標云爾今時疫首尾一於為熱獨不言清熱者
是知因邪而發熱邪是天地之雜氣能鬱遏本身之陽氣則為熱邪但能治其邪不能治熱而熱自已夫邪之
與熱猶形影相依形亡而影未有獨存者若以黃連解毒湯
黃連瀉心湯純乎類聚寒涼專務清熱既無汗吐下之能焉
能使邪從竅而出是忘其本徒治其標何異於小兒捕影

行邪伏邪之別

凡邪所客有行邪有伏邪故治法有難有易取效有遲有速
假令行邪者如正傷寒始自太陽或傳陽明或傳少陽或自

三陽入胃如行人經由某地本無根蒂因其浮游之勢病形雖重若果在經一汗而解若果傳胃一下而愈藥到便能獲效先伏而後行者所謂瘟疫之邪伏於膜原如鳥棲巢如獸藏穴營衛所不關藥石所不及至其發也邪毒漸張內侵於腑外淫於經營衛受傷諸証漸顯然後可得而治之方其浸淫之際邪毒尚在膜原此時但可疎利使伏邪易出邪毒既離膜原乃觀其變或出表或入裏然後可導邪而出邪盡方愈初發之時毒勢漸長莫之能禦其時不惟不能即瘳其疾而病症日惟加重病家見證反增卽欲更醫醫家不解亦自屬此竟不知先時感受邪甚則病甚邪微則病微病之輕重

非關於醫人之生死全賴藥石故諺有云傷寒莫治頭勞性

莫治尾若果正傷寒初受於肌表不過在經之浮邪一汗即

解何莫治之有此言蓋指瘟疫而設也所以疫邪方張之際

或出表或內

勢不可遏但使邪毒速離膜原便是治法全在後段工夫識

陷人裏八字當分明

得表裏虛寔更詳輕重緩急投劑不致差謬如是可萬舉

萬全即使感受之最重者按法治之必無殞命之理若夫久

病枯極酒色耗竭者髦風爛此等已是天真幾絕更加瘟疫

自是難支又不可同年而語

應下諸証

此以下至發狂止皆總括疫症之宜下者又辨明不可下者

舌白胎漸變黃胎邪在膜原舌上白胎邪在胃家舌上黃

胎胎老變為沉香色也。白胎未可下，黃胎宜下。

舌黑胎 邪毒在胃，黃騰於上而生黑胎。有黃胎老而變焦

舌肉黑若胎黑在而上一層胎去則舌肉水紅

色者有津液潤澤者作軟黑胎，舌上乾燥者作硬黑胎。下後

仍在

二三日黑皮自脫。又有一種舌俱黑色而無胎，此經氣非

下証也。妊娠多見此，陰証亦有此，並非下証。下後裏証主

舌尚黑者，胎皮未脫也，不可再下。務在有下証方可下。舌

上無胎，况無下証，悞下。舌反見離離黑色者危，急當補之。

舌芒刺 熱傷津液，此疫毒之最重者，急當下。老人微症

無下証，舌上乾燥，易生胎刺，用生脈散生津潤燥。芒刺自生

舌裂 日久失下，血液枯極，多有此証。又熱結旁流，日久不

治在下則津液消亡。在上則邪火毒熾。亦有此証急下之裂自滿。

舌短 舌硬 舌卷 皆邪氣勝。真氣虧。急下之。邪毒去。真

氣回。舌自舒。

白砂舌 舌上白胎乾硬如砂皮。一名水晶胎。乃自白胎之

時。津液乾燥。邪雖入胃。不能變黃。急宜下之。若白胎潤澤

者。邪在膜原也。邪微胎亦微。邪氣盛胎如積粉。滿布其舌。未

可下。久而胎色不變。別有下証。服三消飲。次日舌即變黃。

唇燥裂 唇焦色 唇口皮起 口臭 鼻孔如烟煤 胃

家熱多有此証。固當下。唇口皮起。仍用別証互較。鼻孔煤黑。

別証或口渴腹滿大。

疫毒在胃下之無辭

便硬等証

口燥渴 更有下証者宜下之。下後邪去胃和渴自減。若服

汗更加一倍

花粉門冬知母糞其生津止渴殊謬。若大汗脈長洪而渴

未可下宜白虎湯汗更出身涼渴止。

目赤 咽乾 氣噴如火 小便赤黑 涓滴作痛 小便極

臭 揚手擲足 脈沉而數 皆為內熱之極下之無辭。

潮熱 譫語 邪在胃有此証宜下。然又有不可下者詳載

似裏非裏條下。又熱入血室條下。又神虛譫語條下。

善太息 胃家實呼吸不利。胸膈痞悶每欲引氣下行故然。

心下滿 心下高起如塊 心下痛 腹脹滿 腹痛按之

愈痛。心下脹痛。以上皆胃家邪實內結氣閉宜下之氣

通則已。

頭脹痛。胃家實氣不下降。下之頭痛立止。若初起頭痛

別無下証未可下。

小便閉。大便不通。氣結不舒。大便行。小便立解。悞服行氣

利水藥無益。

大便閉。轉屎氣極臭。俗云打屁是也更有下証下之無辭。有

血液枯竭者無表裏証為虛燥宜蜜煎導及胆導。何其詳且

大腸膠閉。膠閉與熱結旁流俱有平素大便不調旁流病時仍流其人平素大便不實設遇疫邪傳裏但蒸作極

臭狀如粘膠至死不結但愈蒸愈黏愈黏愈閉以致胃氣不

能下行疫毒無路而出不下卽死但得黏膠一去下証自除
霍然而愈。

協熱下利 熱結旁流 並宜下。詳見大便條下。

四逆 四肢逆冷 脈厥 無脈 體厥 一身反冷 並屬氣閉陽氣鬱內不

能四布於外胃家實也宜下之 下後反見此証者為虛脫

宜補之 反見者先無後有

發狂 手舞足蹈呼叫喜怒不常或見鬼神 胃家實膈氣盛

也宜下之 有虛煩似狂有因欲汗作狂並詳見本條忌下

應補諸証

向謂傷寒無補法者蓋傷寒時疫均是客邪然傷於寒者不

過風寒乃天地之正氣尚嫌其填寔而不可補。今感疫氣者
 乃天地之毒氣補之則壅裏其毒邪火愈熾是以悞補之為
 害尤甚於傷寒。此言其常也。及言其變則又有應補者。或曰
 久失下形神幾脫。或久病先虧。或先受大勞。或老人枯竭。或
 當補瀉兼施設。既行而增虛証者。急宜峻補。虛証散在諸補
篇此不再贅補
 之虛証稍退。切忌再補。詳見前
虛後實補後虛証不退。反加變証者
 危下後虛証不見。乃臆度其虛。輒用補劑。法所大忌。凡用補
 劑。本日不見佳處。即非應補。蓋人參為益元氣之極品。開胃
 氣之神丹。下咽之後。其效立見。若用參之後。元氣不固。胃氣
 不轉者。勿謂人參之功不捷。蓋因投之不當耳。急宜另作主
 用二三分。欲責其效難矣。

張若恣意投之必加變証變証加而更投之者死

論陰証世間罕有

傷寒陰陽二証方書皆以對待言之。凡論陽証即繼以陰証

後賢以陰証作中寒當作雜病看者甚是

讀者以為陰陽二症世間均有之病所以臨診之際先將陰

陽二症在於胸次往來躊躇最為牽人悞端甚有不辨脈証

但窺其人多蓄少艾或適在妓家或房事後得病或病適至

有陰症者乃屬虛寒之體若陽體人雖好色不過陰虛不禁別

行房醫問及此便疑為陰証殊不知病之將至雖僧尼寡婦

病陰症罕有惟明者識之

室女童男曠夫闖官病勢不可遏於房慾何與焉即使多蓄

少艾頻宿娼妓房事後適病病適至行房此際偶值病邪發

於膜原氣壅火鬱未免發熱到底終是陽症與陰証何與焉

况又不知陰症寔乃世間罕有之病而陽証似陰者何日無之。究其所以然者。蓋不論傷寒瘟疫。傳入胃家。陽氣內鬱。不能外布。卽是四逆。所謂陽厥是也。又曰。厥微熱亦微。厥深熱亦深。其厥深者。甚至冷過肘膝。脈沉而微。劇則通身冰冷。脈微欲絕。雖有輕重之分。總之爲陽厥。因其觸目皆是。苟不得其要領。於是悞認者良多。况且瘟疫每類傷寒。又不得要領。最爲混淆。瘟疫者熱病也。從無感寒。陰自何來。一也。治瘟疫數百人。纔遇一正傷寒。二也。及治正傷寒數百人。纔遇一眞見道語陰症。三也。前後統論。苟非歷治萬人。焉能一見陰証。豈非世間罕有之病耶。驗今傷寒科盛行之醫。歷年間。或偶得遇一

非強語

眞陰証者有之奈之何纔見傷寒便疑陰証况多瘟疫又非傷寒者乎。

論陽証似陰

凡陽厥手足厥冷或冷過肘膝甚至手足指甲皆青黑劇則

遍身冰冷如石血凝青紫成片或六脈無力或脈微欲絕以

外証多假象

上脈証悉見純陰猶以爲陽証何也蓋審內証氣噴如火齧

云全在憑証勿以脈拘

爛口臭煩渴譫語口燥舌乾舌胎黃黑或生芒刺心腹痞滿

小腹疼痛小便赤澀涓滴作痛非大便燥結卽大腸膠閉非

協熱下利卽熱結旁流以上內三焦悉見陽証所以爲陽厥

也粗工不察內多下証但見表証脈體純陰誤投溫劑禍不

一
旋踵不失一

者此係正傷寒家事在瘟疫無有此証故不附載詳見傷寒

實錄

瘟疫陽証似陰者始必由膜原以漸傳裏先幾日發

二辨尤明

熱以後四逆

傷寒陽証似陰者始必由陽經發熱脈浮而

數邪氣自外漸次傳裏裏氣壅閉脈氣方沉乃至四肢厥逆

蓋非一日矣

其真陰者始則惡寒而不發熱其脈沉細當

脈沉細

必兼遲

即四逆急投附子回陽二三日失治即死

捷要辨法凡陽

証似陰外寒而內必熱故小便血赤凡陰証似陽者格陽之

証也上熱下寒故小便清白但以小便赤白為據以此推之

舍病治藥

嘗遇微疫。醫者誤進白虎湯。數劑。續得四肢厥逆。病勢轉劇。更醫。謬指爲陰証。投附子湯。病愈。此非治病。寔治藥也。雖悞認病原。藥則偶中。醫者之庸。病者之福也。蓋病本不藥自愈之証。因連進白虎。寒涼慄悍。抑遏胃氣。以致四肢厥逆。疫邪強伏。故病增劇。今投溫劑。胃氣通行。微邪流散。故愈。若果直中無陽陰証。悞投白虎。一劑立斃。豈容數耶。

舍病治斃

一人感疫發熱。煩渴思飲冰水。醫者以爲凡病須忌生冷。禁止甚嚴。病者苦索勿與。遂至兩目火迸。咽喉焦燥。不時烟焰。

上騰晝夜不寐。目中見鬼無數。病劇苦甚。自謂但得冷飲一
滴下咽。雖死無恨。於是乘隙匍匐竊取井水一盆。置之枕旁。
飲一盃。目煩清亮。二盃。鬼物潛消。三盃。咽喉聲出。四盃。筋骨
舒暢。飲至六盃。不知蓋落枕旁。竟爾熟睡。俄而大汗如雨。衣
被濕透。脫然而愈。蓋因其人瘦而多火。素稟陽藏。始則加之
以熱。經絡枯燥。既而邪氣傳表。不能作正汗。而解悞投升散。
則病轉劇。今得冷飲。表裏和潤。所謂除弊便是興利。自然汗
解宜矣。更有因食因痰。因寒劑。因虛陷。致疾不愈者。皆當舍
病求弊。以此類推。可以應變於無窮矣。

論經疫悞治每成痼疾

凡客邪皆有輕重之分。惟疫邪感受輕者。人所不識。往往悞治而成痼疾。假令患痢。晝夜無度。水穀不進。人皆知其危痢也。其有感之輕者。晝夜惟行四五度。飲食如常。起居如故。人亦知其輕痢。未常悞以他病治之者。憑有積滯耳。至如瘟疫感之重者。身熱如火。頭疼身痛。胸腹脹滿。胎刺譫語。斑黃狂燥。人皆知其危疫也。其有感之淺者。微有頭疼身痛。午後稍有潮熱。飲食不甚減。但食後或覺脹滿。或覺惡心。脈微數。如是之疫。最易悞認。卽醫家素以傷寒瘟疫爲大病。今因証候不顯。多有不覺其爲疫也。且人感疫之際。來而不覺。旣感不知。最無病據。又因所感之氣甚薄。發時又現證不甚。雖有頭

疾身痛而飲食不絕。力可徒步。又烏得而知其疫也。病人無處追求。每每妄訴病原。醫家不善審察。未免隨情錯認。有如病前適遇小勞。病人不過以此道其根由。醫家不辨是非。便引東垣勞倦傷脾。元氣下陷。乃執甘溫除大熱之句。隨用補中益氣湯。壅補其邪。轉壅轉熱。轉熱轉瘦。轉瘦轉補。多至危殆。或有嬾人患此。適逢產後。醫家便認爲陰虛發熱。血虛身痛。遂投四物湯。及地黃丸。泥滯其邪。遷延日久。病邪益固。邀徧女科。無出滋陰養血。屢投不效。復更涼血通瘀。不知原邪仍在。積熱自是不除。曰漸疰羸。終成廢癯。凡人未免七情勞鬱。醫者不知爲疫。乃引丹溪五火相煽之說。或指爲心

火上炎或指爲肝火沖擊遂乃類聚寒涼冀其直折而反瀾
住其邪徒傷胃氣疫邪不去。痰熱何清。延至骨立而斃。或
向有宿病淹纏。適逢微疫。未免身痛發熱。醫家病家同認爲
原病加重。仍用前藥加減。有妨於疫。病益加重。至死不覺者。
如是種種難以盡述。聊舉一二。從是推而廣之。可以應變於
無窮矣。

肢體浮腫

時疫潮熱而渴。舌黃身痛。心下滿悶。腹時痛。脈數。此應下之
証也。外有通身及面目浮腫。喘急不已。小便不利。此疫兼水
腫。因三焦壅閉。水道不行也。但治在疫。水腫自己。宜小承氣

湯向有單腹脹而後疫者及先年曾患水腫因疫而發者但
治在疫。腹脹水腫自愈。病人通身痛浮腫。下體益甚。臍凸陰
囊。及陰莖腫大。色白。小便不利。此水腫也。繼又身大熱。午後
益甚。煩渴。心下滿悶。喘急。大便不調。此又加疫也。因下之。下
後脹不除。及加腹滿。宜承氣加甘遂二分。弱人量減。蓋先腫
脹。續得時疫。此水腫兼疫。大水在表。微疫在裏也。故并治之。
時疫愈後數日。先自足浮腫。小便不利。腫漸至心腹而喘。
此水氣也。宜治在水。時疫愈後數日。先自足浮腫。小便如
常。雖至通身浮腫而不喘。別無所苦。此氣復也。蓋血乃氣之
依歸。夫氣先血而生。無所歸依。故暫浮腫。但靜養。節飲食。不

藥自愈。時疫身賦羸弱言不足以聽氣不足以息得下証少與承氣下証稍減更與之眩暈欲死蓋不勝其攻也絕穀期日稍補則心腹滿悶攻不可補不可守之則元氣不鼓餘邪沉匿膜原日惟水飲而已以後心腹忽加腫滿煩寃者向來沉匿之邪方悉分傳於表裏也宜承氣養榮湯一服病已設表腫未除宜微汗之自愈。時疫得裏証失下以致面目浮腫及肢體微腫小便自利此表裏氣滯非兼水腫也宜承氣下之裏氣一疎表氣一順浮腫頓除。或見絕穀期月指爲脾虛發腫誤補必劇。妊娠更多此証治法同前皆得子母俱安但當少與慎毋過劑。

共七法

服寒劑反熱

陽氣通行。溫養百骸。陽氣壅閉。鬱而爲熱。且夫人身之火。無處不有。無時不在。但喜通達耳。不論臟腑經絡。表裏上下。血分氣分。一有所阻。即便發熱。是知首病發熱。皆由於壅鬱。然火鬱而又根於氣。氣嘗靈。而火不靈。火不能自運。賴氣爲之運。所以氣升。火亦升。氣降。火亦降。氣行。火亦行。氣若阻滯。則火屈曲。惟是屈曲。熱斯發矣。是氣爲火之舟楫也。今疫邪透出於膜原。氣爲之阻。時欲到胃。是求伸而未能遞進也。今投寒劑。抑遏胃氣。氣益不升。火更屈曲。所以反熱也。往往服芩連。知柏之類。病人自覺反熱。其間偶有靈變者。但言我非黃

連詎亦不知其何故也。竊謂醫家每以寒涼清熱，熱不能清，尚信弗疑。服之反熱，全然不悞。雖至白首終不究心。悲夫。

知一

邪之着人，如飲酒然。凡人酒醉，脈必洪而數，氣高身熱，面目俱赤，乃其常也。及言其變，各有不同。有醉後妄言妄動，醒後全然不知者；有雖沉醉而神思終不亂者；醉後應面赤而反刮白者；應委弱而反剛強者；應壯熱而反惡寒戰慄者；有易醉而易醒者；有難醉而難醒者；有發呼欠及噎噴者；有頭眩眼花及頭痛者。因其氣血虛寔之不同，臟腑稟賦之各異，更兼過飲少飲之別，考其情狀，各自不同。至論醉酒一也，及醒

一切諸態如失

此一篇總論

凡人受邪始則晝夜發熱。日晡益甚。頭疼身痛。舌上白胎。漸加煩渴。乃眾人之常也。及言其變。各自不同者。或嘔或吐。或咽喉乾燥。或痰涎湧甚。或純乎發熱。或發熱而兼凜凜。或先凜凜而後發熱。或先惡寒而後發熱。或先一日惡寒而後發熱。以後即純乎發熱。或先惡寒而後發熱。以後漸漸寒少而熱多。以致純熱者。或晝夜發熱者。或午後潮熱。餘時熱稍緩者。有從外解者。或戰汗。或狂汗。自汗盜汗。或發斑。有潛消者。以上皆表症從內傳至不同止。總題表症綱領。有從內傳者。或胸膈痞悶。或心腹脹滿。或心痛腹痛。或胸脇痛。或大便不通。或前後癍閉。或挾熱下利。或熱結旁流。有黃

胎黑胎者有口燥舌裂者有舌生芒刺舌色紫赤者有鼻孔
如烟煤之黑者有發黃及蓄血吐血衄血大小便血汗血嘔
血齒血者有發頤疔瘡瘡者有首尾能食者有絕穀一兩月
者有無故最善反復者有愈後漸加飲食如舊者有愈後飲
食勝常二三倍者有愈後退爪脫髮者至論惡証口禁不能
張昏迷不識人足屈不能伸唇口不住牽動手足不任振盪
直視上視圓眸目瞑口張聲啞舌強遺尿遺糞項強發瘧手
足俱瘳筋惕肉膈循衣摸床撮空理線等証種種不同因其
氣血虛寔之不同臟腑稟賦之有異更兼感重感輕之別考
其症候各自不同至論受邪一也及邪盡一切諸症如失所

以上言裏証

以上惡症多難治

謂知其一萬事畢知其要者一言而終不知其要者流散無

窮此之謂也

一氣因人而變即上文氣血虛寔不同之三句所言雜氣既以上止舉一氣因人而變至有歲氣稍有不同者有其年衆病氣有不同各自成病與衆不同亦是氣也非自己致也知人皆從自汗而解者更有其年衆人皆從戰汗而解者此又之可謂通變

因氣而變餘証大同小異皆疫氣也至又雜氣爲病一氣自成一病每病各又因人而變統而言之其變不可勝言醫者能通其變方爲盡善

四損不可正治

凡人大勞大慾及大病久病後氣血兩虛陰陽並竭名爲四損當此之際忽又加疫邪氣雖輕並爲難治以正氣先虧邪

氣自陷故諺有云傷寒偏死下虛人正此謂也

一類

若正氣不勝者氣不足以息言不足以聽或欲言而不能感邪雖重反無脹滿痞塞之証誤用承氣不劇即死以正氣愈損邪氣愈伏也

二損

若真血不足者面色萎黃唇口純白或因吐血崩漏或因產後亡血過多或因腸風臟毒所致感邪雖重面目反無陽色誤用承氣速死以榮血愈消邪氣益加沉匿也

三損

若真陽不足者或四肢厥逆或下利完穀肌體惡寒恒多泄瀉命門火衰至夜益甚或口鼻冷氣感邪雖重反無發熱燥渴胎刺等証誤用承氣易氣愈消陰凝不化邪氣留而不行輕則漸加

委頓重則下咽立斃

四損

若真陰不足者自然五液乾枯肌膚甲錯感邪雖重應汗無

即腎水虧損

汗應厥不厥慢用承氣病益加重以津液枯涸邪氣澁滯無

能輸泄也凡遇此等不可以常法正治當從其損而調之調

之不愈者稍以常法治之治之不及者損之至也是故一損

二損輕者或可挽回重者治之無益乃至三損四損雖盧扁

亦無所施矣更以老少參之少年遇損或可調治老年遇損

多見治之不及良以枯魄獨存化源已絕不復滋生矣

勞復 食復 自復

疫邪已退脈証俱平但元氣未復或因梳洗沐浴或因多言

妄動遂至發熱前証復起惟脈不沉寔爲辨此名勞復益氣
爲火之舟楫今則真氣方長勞而復折真氣既虧火亦不前
如人欲濟舟楫已壞其可渡乎是火也某經氣陷則火隨陷
於某經陷於經絡則爲表熱陷於臟腑則爲裏熱虛甚熱甚
虛微熱微治法輕則靜養可復重則大補氣血候真氣一復
血脈融和表裏通暢所陷之火隨氣輸泄自然熱退而前証
自除矣若悞用承氣及服寒涼剝削之劑變証蜂起卒至殞
命。

若因飲食所傷者或吞酸作噯或心胸滿悶而加熱者此名

化食也

卽下之也

食復輕則損穀自愈重則消導方痊

若無故自復者以復邪未盡此名自復當問前得某証所發亦某証少與前藥以徹其餘邪自然復愈

安神養血湯 茯神 棗仁炒 當歸 遠志 芍藥

地黃 陳皮 甘草 加圓眼肉水煎服

感冒兼疫

感風寒必人迎緊。

疫邪伏而未發因感冒風寒觸動疫邪相繼而發也既有感

冒之因由復有風寒之脈証先投發散一汗而解一二日續

疫邪則右手數大。

得頭疼身痛潮熱煩渴不惡寒此風寒去疫邪發也以此疫法

治之。

瘧疫兼證

瘧疾二三日發或七八發後忽然晝夜發熱而渴不惡寒舌上胎刺心腹痞滿飲食不進下証漸具此瘧疫著瘧疾隱也以疫法治之。

此瘧疫解

瘧疫晝夜純熱心腹痞滿飲食不進下後脈靜身涼或間日或每日時惡寒而後發熱如期者此瘧疫解瘧邪未盡也以瘧法治之。

瘧瘧

凡瘧者寒熱如期而發餘時脈靜身涼此常瘧也以瘧法治之設傳胃者必現裏証名爲瘧瘧以疫法治者生以瘧法治者死裏証者爲下証也下後裏証除寒熱獨存者是瘧疫減

癰証在也。癰邪未去者，宜疏邪去而瘧勢在者，宜截勢在而
挾虛者，宜補。疏以清脾飲，截以不二飲，補以四君子。方見瘧
門，仍恐雜亂，此不附載。

疫痢兼証

下痢膿血，更加發熱而渴，心腹痞滿，嘔而不食，此疫痢兼証。
最爲危急。夫疫者，胃家事也。疫邪傳胃，下常八九。旣傳入胃，
必從下解。蓋疫邪不能自出，必藉大腸之氣傳送而下。疫方
得愈，至痢者，大腸內事也。大腸旣病，失其傳送之職，故正糞
不行，純乎下痢膿血而已。所以向來穀食停積在胃，直須大
腸邪氣將退，胃氣通行，正糞自此而下。今大腸失職，正糞尚

目不行又何能為胃載毒而出毒既不前羈留在胃最能敗壞真氣在胃一日有一日之害一時有一時之害耗氣轉血神脫氣盡而死凡遇疫痢兼証者在痢尤為喫緊疫痢最急者宜枳芍順氣湯誠為一舉兩得。

枳芍順氣湯 專治下痢頻數裏急後重兼舌胎黃得疫之裏証者。

枳榔 芍藥 枳寔 厚樸 大黃 生薑煎服

婦人時疫

婦人傷寒時疫與男子無二惟經水適斷適來及崩漏產後與男子稍有不同夫經水之來乃諸經血滿歸注於血室下泄為月水血室者一名血海即衝任脈也為諸經之總任經

水適來疫邪不入於胃乘勢入於血室故夜發熱譫語蓋衛

氣晝行於陽不與陰爭故晝則明了夜行於陰與血相持故

夜則發熱譫語至夜止發熱而不譫語者亦為熱入血室但

有輕重之分不必拘於譫語也經曰無犯胃氣及上一二焦必

自愈胸膈併胃無邪勿以譫語為胃寔而妄攻之但熱隨血

下故自愈若有如結胸狀者血因邪結也當刺期門以通其

結活人以柴胡湯治之不若刺者功捷

經水適斷血室空虛其邪乘虛傳入邪勝正虧經氣不振不

能鼓散其邪為難治且不從血泄邪氣何由即解與適來之

義有血虛血寔之分宜柴胡養榮湯新產後亡血過多衝任

空虛與夫素善崩漏經氣久虛皆能受邪與經水適斷同法

亦紫疔養榮湯

小兒時疫

凡小兒感冒風寒。瘧痢等証。人所易知。一染時疫。人所難窺。所以耽悞者良多。何也。蓋由幼科專於痘疹吐瀉驚疳。並諸雜症。在傷寒時疫甚略之一也。古人稱幼科為啞科。蓋不能盡罄所苦。以告師。師又安能悉乎。問切之義。所以但知其身熱。不知其頭疼身痛也。但知不思乳食。心胸膨脹。疑其內傷乳食。安知其疫邪傳胃也。但見嘔吐惡心。口渴下利。以小兒吐瀉為常事。又安知其挾熱下利也。凡此何暇致思。為時疫二也。小兒神氣嬌怯。筋骨柔脆。一染時疫。延遲失治。即便兩

目上甲不時驚搐肢體發痙十指鉉曲甚則角弓反張必延
 幼科正合渠平見學習見聞之証是多誤認爲慢驚風遂投
 抱龍丸安神丸竭盡驚風之劑轉治轉劇因兒不啼不語又
 將顛門眉心亂灸艾火雖微內攻甚急兩陽相搏如火加油
 如爐添炭死者不可勝計深爲痛憫今凡遇疫毒流行大人
 可染小兒豈獨不可染耶但所受之邪則一因其氣血筋骨
 柔脆故所現之証爲異耳務宜求邪以治故用藥與大人仿
 彿凡五六歲以上者藥當減半二三歲往來者四分之一可
 也又腸胃柔脆少有差誤爲禍更速臨証尤宜加慎

小兒太極丸

天竺黃

五錢

膽星

五錢

大黃

二錢

麝香

三分

冰片

三錢

殭蠶

三錢

共爲細末。端午日午時修合。糯米飯杵

爲丸。如芡。寔大。硃砂爲衣。凡遇疫証。薑湯化下。一丸神效。

妊娠時疫

孕婦時疫。設應用三承氣湯。須隨証施治。切不可過處。慎勿
惑於參朮安胎之說。病家見用承氣。先自驚疑。或更左右槽
雜。必致醫家掣肘。爲子母大不祥。若應下之証。反用補劑。邪
火壅鬱。熱毒愈熾。胎愈不安。耗氣搏血。胞胎何賴。是以古人
有懸鍾之喻。梁腐而鍾未有不落者。唯用承氣。逐去其邪火。
毒消散。炎稿頓爲清涼。氣回而胎自固。當此証候。反見大黃
爲安胎之聖藥。歷治歷當。子母俱安。若腹痛如錐。腰痛如折。

此將墮欲墮之候服藥亦無及矣雖投承氣但可愈病而全母味者以爲墮胎必反咎於醫也

或詰余曰孕婦而投承氣設邪未逐先損其胎當如之何余曰結糞瘀熱腸胃間事也胎附於脊腸胃之外子宮內事也藥先到胃瘀熱纔通胎氣便得舒養是以興利除害於頃刻之間何慮之有但毒藥治病衰去七八餘邪自愈慎勿過劑耳

凡妊娠時疫萬有四損者不可正治當從其損而調之產後同法非其損而悞補必死四損詳見前應補諸証條后

主客交

王者先前本身之病也。客者又新加上疫邪也。

凡人向有他疾。疴羸或久瘧。或內傷瘀血。或吐血便血咳血。

男子遺精白濁。精氣枯涸。女人崩漏帶下。血枯經閉之類。以

先有精血虛故脈必近於數。

致肌肉消燥。邪火獨存。故脈近於數也。此際稍感疫氣。醫家

病家見其穀食暴絕。更加胸膈痞悶。身痛發熱。徹夜不寐。指

為原病加重。悞以絕穀為脾虛。以身痛為血虛。以不寐為神

虛。遂投參朮歸地茯神棗仁之類。愈進愈危。知者稍以疫法

即有時睡時得

本有之數。

治之。發熱減半。不時得睡。穀食稍進。但數脈不去。肢體時疼。

胸脇錐痛。過期不愈。醫以雜藥頻試。補之則邪火愈熾。瀉之

則損脾壞胃。滋之則膠邪愈固。攻之則徒汗益虛。疏之則精

氣愈耗。守之則日削。近死蓋但知其伏邪已潰。表裏分傳。裏

証雖除不知正氣衰微不能托出表邪留而不去因與血脈
 合而為一結為癩疾也肢體時疼者邪與榮氣搏也脈數身
 熱不去者邪火並鬱也脇下錐痛者火邪結於膜膈也過期
 不愈者凡疫邪交卸近在一七遠在二七甚至三七過此不
 愈者因非其治不為壞証即為癩疾也夫癩疾者所謂客邪
 膠固於血脈主客交渾最難得解且愈久益固治法當乘其
 大肉未消真元未敗急用三甲散

三甲散

鱉甲

龜甲

並用酥炙黃
為末各一錢

川山甲

土炒黃為
末五分

蟬退

洗淨炙
乾五分

薑蟲

三箇白硬者切
斷生用五分

牡蠣

煨為末五分
咽燥者酌用

雷蠶

三箇乾者擘碎鮮者搗爛和酒少許
取十入湯藥司服其宰入諸藥同煎

芍藥

酒炒
七分

當歸 五分 甘草 三分 水二鍾煎八分濾清溫服

若素有老瘡或痺癰者加牛膝一錢何首烏一錢胃弱欲作瀉者宜用九蒸九晒若素有鬱痰者加貝母一錢老痰者加括蕁霜五分善嘔者勿用若咽乾作痒者加花粉知母各五分若素有燥嗽者加杏仁搗爛一錢五分若素有內傷瘀血者倍麝蠶如無麝蠶以乾漆炒烟盡幸有此代之為末五分及桃仁搗爛一錢代之服後病減六七餘勿

服當盡調理法

調理法

凡人胃氣強盛可飢可飽若久病之後胃氣薄弱最難調理蓋

胃體如竈。胃氣如火。穀食如薪。合水穀之精微升散爲血脈者。如焰。其糟粕下轉爲糞者。如燼。是以竈大則薪多。火盛薪斷。而餘焰猶存。雖薪後續。而火亦燃。若些小鎗鍋。止宜薪數莖稍多。則壅滅。稍斷。則火絕。死灰而求復燃。不亦難乎。若夫所謂節戒飲食乃却人病之後。客邪新去。胃口方開。幾微之氣。所以多與。早與遲病之良方與。皆不可也。宜先與粥。飲次糊。飲次糜。粥次要飯。尤當循序尤當慎於初愈之間漸進。毋先其時。毋後其時。當設爐火。晝夜勿令斷絕。以備不時之用。思穀卽與。稍緩則胃飢如剝。再緩則胃氣傷。反不思食矣。旣不思食。若照前與之。雖食而弗化。弗化則傷之。又傷不爲食。復者當如初進法。若更多與。及粘硬之物。胃氣壅甚。

必脹滿難支若氣絕穀存乃致反覆顛倒形神俱脫而死矣

統論疫有九傳治法

以下九傳之理熟記於心治疫思過半也亦有四時暴感風

夫疫之傳有九然亦不出乎表裏之間而已矣所謂九傳者

寒左手人迎脈浮緊惡寒發熱齊作頭疼身痛腰痛一面色光

病人各得其一非謂一病而有九傳也蓋瘟疫之來邪自口

紅粗但口不渴無汗舌輕易不黃

鼻而人感於膜原伏而未發者不知不覺已發之後漸加發

初時達原飲可用一二三劑亦愈

熱脈洪而數多見右手此眾人相同宜達原飲疏之繼而邪氣一

離膜原察其傳變眾人不同者以其表裏各異耳有但表而

不裏者有但裏而不表者有表而再表者有裏而再裏者有

表裏分傳者有表裏分傳而再分傳者有表勝於裏者有裏

勝於表者有先表而後裏者有裏先而後表者識其九傳其

去病一也。醫者不知九傳之法，不知邪之所在，如盲者之
任杖，聾者聽宮商，無音可咏，無路可適，未免當汗不汗，當下
不下，或顛倒誤用，或尋枝摘葉，但治其証，不治其邪，同歸於
悞一也。

所言但表而不裏者，其証頭疼身痛發熱而復凜凜，內無物

似感証

但表也

不入裏也

滿腹脹等証，穀食不絕，不煩不渴，此邪氣外傳由肌表而出，
或自斑消，或從汗解，斑者有斑疹、桃花斑、紫雲斑，汗者有自
汗、盜汗、狂汗、戰汗之異，此病氣之使然，不必較論，但求得斑

得汗為愈疾耳。凡自外傳者為順，勿藥亦能自愈，間有汗出

發汗

白虎是着棋

出盡疏解，即是求治非取汗之謂也

自汗非

不徹而熱不退者，宜白虎湯，斑出不透而熱不退者，宜舉斑

湯有斑汗並行而愈者若斑出不透汗出不徹而熱不除者
宜白虎合舉斑湯此一節是病之輕者

間有表而再表者要分胸膈在膈膜原之上腹滿在心窩以下所發未盡膜原尚有隱伏之邪或二三日

後四五日後依前發熱脈洪而數及其解也斑者仍斑汗者

仍汗而愈未愈者仍如前法治之然亦稀有至於三表者更

稀有也

若但裏而不表者外無頭疼身痛向後亦無三斑四汗惟胸

膈痞悶欲吐不吐雖得少吐而不快此邪傳裏之上者上焦宜瓜

蒂散吐之邪從吐減邪盡病已邪傳裏之中下者二焦心腹脹滿

不嘔不吐或燥結便閉純水無糞如平時泄或熱結旁流或協熱下利或大腸膠

閉並宜承氣輩導去其邪邪減病減邪盡病已上中下皆病者不可吐吐之為逆但宜承氣導之則在上之邪順流而下嘔吐立止脹滿漸除

有裏而再裏者愈後二三日或四五日依前之証復發在上者仍吐之在下者仍下之再裏者常事甚至三裏者亦有也雖有上中下之分皆為裏証

若表裏分傳者始則邪氣伏於膜原膜原者即半表半裏也

此傳法以邪氣平分頭疼身痛為表發胸腹脹口渴為裏若半入於裏則現裏証半入於表則現表

証依傷論表証不除不可攻裏候矣此疫家之常事然表裏俱病內外壅閉既不得汗而復不

得下此不可汗強求其汗必不可得宜承氣先通其裏裏邪

何鬱膜原者

先去邪去則裏氣通中氣方能達表向者鬱於肌肉之邪乘勢盡發於肌表矣或斑或汗蓋隨其性而升泄之也諸症悉去既無表裏証而熱不退者膜原尚有已發之邪未盡也宜三消飲調之

若表裏分傳而再分傳者照前表裏得病宜三消飲復下復汗如前而愈此亦常事至於三發者亦偶有之

治表兼治裏者達原加大黃也

若表勝於裏者膜原伏邪發時傳表之邪多傳裏之邪少何

當字宜詳

以知之表証多而裏証少當治其表裏証兼之若裏証多而

但字宜詳

表証少者但治其裏表証自愈

但治裏者承氣是也與表裏分傳相似而異

若先表而後裏者始則但有表証無裏証宜達原飲有經

証者當用三陽加法。經証不顯，但發熱者不用加法。繼而脈洪大而數，自汗而渴，邪離膜原，未能出表，宜白虎湯。辛涼解散，邪從汗解，脈靜身涼而愈。愈後二三日後，或四五日後，依前發熱，宜達原飲。至後反加胸滿腹脹，不思穀食，煩渴舌上胎刺等証，加大黃微利之。久而不去，在上者宜瓜蒂散吐之。在中下者宜承氣湯導之。

若先裏而後表者，始則發熱漸加裏証，下之裏証除。二三日

后表也

內復發熱，反加頭疼身痛，脈浮者宜白虎湯。若下後熱減不

即白虎湯

甚，三四日後精神不慧，脈浮者宜白虎湯。汗之服湯復不得

汗者，因津液枯竭也。加人參覆杯，則汗解。此近表裏分傳之

証不在此例

此大汗後。非取汗過多之謂。乃自汗或盜汗。狂汗。戰汗。

若大下後。大汗後。表裏之証悉去。離而一身盡痛。身如被杖。

過多也。

莫作風濕相搏看。甚則不可轉側。脈遲細者。此汗出太過。陽氣不周。

骨寒而痛。非表証也。此不必治。二三日內。陽氣自回。身痛自

愈。

矣。試表裏退得快。而脈或浮或中。分沉分仍。有力而兼急。

凡疫邪再表再裏。或再表裏分傳者。醫家不解。反責病家不

敬者。則是邪未盡。必伏發也。醫家逢此。宜預言之。若沉細。

善調理。以致反復。病家不解。每責醫家用藥有誤。致病復起。

而遲緩。方可言得盡退。

彼此歸咎。胥失之矣。殊不知病勢之所當然。蓋氣性如此。一

贈言。一次愈者。自不再必。然再傳者。自非一次可愈。

者不可為一二者不可為一。絕非醫家病家之過也。但得病

木體強者。醫治亦放心。

者尚賴精神完固。雖再三反復。隨復隨治。隨治隨愈。

間有延挨失治或治之不得其法日久不除精神耗竭嗣後更醫投藥但將現在之邪拔去因而得效殊不知膜原尚有伏邪在一二日內前証復起反加循衣摸牀神思昏憤目中了不了等証且脈氣漸萎大凶之兆也譬如行人日間趨行未晚投宿何等從容今則日得遠道日暮途長急無及矣病家不咎於前醫就悞日時反咎於後醫既生之而後殺之良可歎也當此之際攻之則元氣幾微是求速死補之則邪火愈熾精氣愈燦守之則正不勝邪必無生理三路俱亡雖有盧扁之技亦無所施矣

既云尚有隱伏之邪至精神耗竭攻補兼施可乎

醒醫六書終

集補諸瘟方治

大頭瘟

大頭瘟者其濕熱傷高巔。必多汗氣蒸。初憎寒壯熱。體重頭面腫甚。目不能開。上喘咽喉不利。舌乾口燥。不速治。十死入九。宜普濟消毒散。如大便硬。加酒蒸大黃一二錢。緩緩服。作丸噙化尤妙。若額面焮赤腫。脈數者屬陽明。本方加石膏內實。加大黃。若發於耳上下前後。并額角傍紅腫者。此少陽也。本方加柴胡花粉。便實亦加大黃。若發於頭腦項下。并耳後赤腫。此太陽也。荆防敗毒散。加芩連甚者。砭鍼刺之。統言皆可刺。

普濟消毒散

川連、黃芩酒炒、人參、黑參、生甘草、桔梗、連翹

牛旁子炒研、升麻、白芷、馬勃各乙錢、僵蠶七分炒

藍根如無以青黛代之、柴胡、右為末半用水煎去渣食後徐

服半用蜜丸噙化就臥以令藥性上行也

捻頸癰

散。捻頸癰者喉痺失音頸大腹脹如蝦蟆者是也宜荆防敗毒

散。荆防敗毒散 羌活、柴胡、人參、甘草人中黃更妙

枳殼、桔梗、茯苓、川芎、薄荷、荆芥、防風、牛

旁子炒研、右諸藥各一錢惟防風加五分水煎緩服加金

汁一杯尤效

瓜瓢瘟

瓜瓢瘟者胸高脇起嘔血如汁者是也宜生犀飲

生犀飲

犀角

二錢

蒼木

泔浸麻油炒

川連

各乙錢

黃土

五分

芥茶葉

一大 金汁 半盞

次煎去渣入金汁攪和日三夜二服

虛加鹽水炒人參大便結加大黃渴加葛藁根表熱去蒼

朮黃土加桂枝川連便濃血去蒼朮倍黃土加黃柏便滑

以人中黃代金汁

楊梅瘟

楊梅瘟者遍身紫塊忽然發出黧瘡者是也清熱解毒湯下

人中黃丸并刺塊血出

人中黃丸

大黃

三兩 尿浸

人中黃

如無坑 垢代之

蒼朮

麻油 炒

桔梗

滑石 各二錢

人參

川連

酒洗 防風

五錢 香附

薑汁

半勿炒

乙錢五分

神麴丸氣虛四君子湯送。血虛四物湯送。痰甚二陳湯送。

熱甚童便送。通用清熱解毒湯送。二三服。

清熱解毒湯

川連

酒炒

黃芩

酒洗

白芍

酒洗

生地

人參

各三錢

石膏

雞子大碎

羌活

知母

各二錢

生甘草

乙錢五分

升麻

葛根

各一錢

生薑

切二錢

右水一斗煮取五升。每服一升。三夜二服。

疔瘡瘟

疔瘡瘟者發塊如瘤。偏身流走。旦發夕死者是也。急以三稜

鍼刺入委中三分出血及服人中黃散

人中黃散

辰砂

雄黃

要透明者
乙錢五分

人中黃

一兩

右為末薄

荷桔梗根下二錢。日三夜二服

絞腸瘟

似乾霍亂亦用探吐法

絞腸瘟者。腸鳴乾嘔。腹痛水瀉不通者是也。先以鹽湯探之吐之。宜雙解散。

雙解散

防風

炒梔仁

連翹

黃芩

薄荷

當歸

川芎

芒硝

大黃

白芍

石膏

白朮

滑石

麻黃

桔梗

荆芥

甘草

葱薑豉引

軟脚瘟

軟脚癰者便清泄白足腫難移者是也。卽濕温之傳染宜蒼木白虎湯。卽白虎湯加入蒼木。

附採名方及辟瘟諸法。

三妙散 治嵐瘴溪毒中人昏迷狂燥或聲啞不能言。

人參 枳殼各一錢 柴胡 黃芩 半夏各半錢 甘草乙錢

茯苓三錢 大黃四錢 右加生薑五片煎温服。

此症乃敗血毒涎乘脾也。

黃連犀角湯

治狐惑

犀角

三錢 磨汁

黃連

二錢

烏梅

四箇

木香

三分 磨汁

水盞半煎連梅八分入犀角二汁和勻服。

黑膏

治疫毒發斑嘔逆

生地黄二兩六錢 好淡豆豉二兩六錢 猪膏十兩 合煎令三分減一絞

去渣取濃汁如膏入明雄黄豆大射香末少許和勻分三

服。

犀角消毒散 治毒氣發斑痛痒

牛旁子炒 防風各二錢 荆芥一錢 甘草八分 犀角磨汁

每服三錢水煎入犀角汁服。

消毒丸 治時疫疔瘡惡症

大黃 牡蠣煨 僵蠶炒各一錢 右為末蜜丸彈子大新汲

水化下一丸。

雞黃丸 治疫不相傳染

明雄黃乙兩 赤小豆熟 丹參各二兩 鬼箭羽各二兩

共為細末。煉蜜丸如梧子大。每日空心以溫水下五丸。雖

同床共屋亦不相染。

逐瘟丹 治疫氣流行一鄉人多發熱內熱煩燥嘔渴昏憤

等証。又名運氣 川連戊癸年為君倍加 黃柏丙辛年為君倍加 甘草甲巳年倍

加 山梔丁壬年倍加 黃芩乙庚年倍加 香附 蘇葉俱以等分為則 大黃三

右七味生用於冬至日為末將大黃煎滾湯去粗片搗藥

末為丸如彈子大水飛丹砂雄黃為衣每一丸取泉水浸

化服急則用煎劑但須冷服。一方加藿香檳榔。

二黃丸 治大頭時疫 川連酒炒 生甘草各等分 每服五

錢水蓋半煎八分稍溫徐徐呷之

黃連瀉心湯

川連

生地

知母

各乙錢五分

生甘草

五分

水蓋半煎八分溫服

香蘇散

紫蘇

香附

醋製各二兩

陳皮

乙兩

甘草

五分

共為細末每服三錢水煎溫服

辟穢散

川芎

霍香

蘆藜

各三錢

牡丹皮

玄胡

各二錢

硃砂

水飛乙錢

雄黃

水飛

白芷

牙皂

各四錢

共為極細末每

早晚或看病出房先噙水口中吸些須入兩鼻取嚏出清

涕為佳再減去皂角以為小丸亦可噙嚼

牲畜受瘟者以末吹入兩鼻即愈

一凡遇天行時氣。須遲出。早入房中。常燒蒼朮。鼻孔唇吻塗雄黃末。口中嚼大蒜最良。

一斷疫法。不相傳染。密以艾炙病人床四角。各一壯。勿令人知。

一天行時疫傳染。凡患疫之家。將病人衣服。於甑上蒸過。則一家不染。若親戚鄉里有患疫。欲去看問。先將麻油抹鼻孔。任進候出入。又將紙燃於鼻內。取噴嚏三五箇。則不染。

一入病疫家行動。宜從容。從容位而入。男子病穢氣出於口。鼻。女子病穢氣出陰門。相對立時。必先識其向背。

一聞鄰里沾疫。宜用貫仲置水缸內。浸用此水造飲食。亦能

辟瘟不染

王恒齋先生瘟疫論

非好鬼也。乃不智也。若果有鬼神主之何為藥能愈之。即

南俗好鬼。每病則不藥而推於鬼。於是有青詞黃表之焚功。

余遇病之已傳者一藥而愈。不知幾許。奈吾地視醫輕薄。

曹維畫錢馬之供。靡費財穀。壇壝廟社。了無虛日。故巫之教。

祭鬼。偏偏不惜。所謂一人傳虛。百人傳實是也。

張於醫醫亦率畏鬼而推於巫。所不知治及不能治者。則皆

以為有鬼焉。以至於財益窮。病益深。人命益賤。甘心駢死。束手

莫救。嗚呼。可伶哉。可伶哉。而於瘟病尤甚。今夫春煖秋涼。

冬寒夏暑。天地之正氣也。空瑩朗徹。浮烟不升。不暄不霾。寒

熱不極。正氣之清者也。人居其中。飲食作息。體臟便順。自然

無病。及夫愆陽伏陰。淒風苦雨。凜冽凝閉。炎日灼膚。霜雹霹

靈搏殺迅厲而病作焉。體單病重，體強病輕，輕傷其皮肉，經

脈而重，則中其臟腑。凡四時一切不正之氣，倉卒感觸，皆由

以生病，而何但瘟乎？即如病人先亦鬼神在心，見病延長

不愈，幸不得管家者作主祭也。假說妄言者有病重眼花

至之也。於是鬼大鬼小，鬼長鬼短，之形有紅綠藍彩衣袍

之異，有執械執兵之雄，有窻入戶入天門入闥縫入明入晦

入之據入我床下，動摸官骸，索我食用。病者曰：寐見和者曰

寤見。病者曰：見影和者曰：見形。一唱眾隨，牢不可破。吾雖然

正之，將誰能聽之哉？夫五瘟使者，道家創為是說，不可信也。

使其可信，則有命在天，又豈誣祝之所能禱免耶？春咳嗽者

不應者多

一方咳嗽秋瘧痢者

一方瘧痢瘧痢有鬼

咳嗽亦有鬼

即難

之者曰醫書有疫癘之條庸非鬼歟曰疫癘者甚其形容以

驚其治療也言病之如有鬼非鬼之所作病也曹植論疫氣

謂陰陽失位寒暑錯時而愚民以疫為鬼懸符壓之亦可笑

也難者曰瘟非有鬼何以病皆人人相似也曰惟人人相似

鬼反惹時來

故知非鬼也人之於人也有賢否愛憎則鬼之乘人亦當有

賢否愛憎胡之乎此而男女長幼之同一病耶且之胡此則

專乎此鬼無形無聲瞬息千里胡懷與安而不肯去耶卽真

有瘟神如張居仁所奏史文業趙公明之流代天宣化行瘟

佈毒亦當有善惡之擇矣刀磨刮惡人而善人亦罹其網胡

天不庸之獨刻於此一方民耶至吾俗則又不曰瘟病而曰

而吾建近來好事者更多般怪異迎接聖馬每

夜盛宴金銀鏗錠動輒千萬若是正神理不受錢若是邪

嵐病土音變遷嵐讀去聲則又因訛嵐爲爛謂鬼于虐害蔓
延流行如物壞爛故被者特酷不知嵐山氣也山本天地之
氣晴霞而山氣清明雨露而山氣滋潤霧障而山氣穢濕向
陽則氣煥向陰則氣慄西北高則氣燥黃東南下則氣霉濡
氣之所蒸從口鼻而入人人如一體固者却之故夫暗相潰
而乍相病者皆山氣之不祥者也諺曰粘親不粘隣近而
知音不敢來問故不能粘親則有慶吊休戚之關誼詎獲辭
推其床第執其手近口鼻間病因而氣已傳之矣庸醫不明
或以治療就傳染亦輒驚佈就於鬼而巫始起而專其責道
夜間野祭求神許愿寄名朝謁仙佛

巫又或就傳染則計窮無復之矣仇藥哀巫卒殞其軀屍橫

連茵棺壙相接。雖有孝子愛妻。割辭喪送。事之悖謬。無過於此矣。夫瘟天時也。嵐地氣也。天時地氣。交薄各攻。故曰時氣。是皆以。小人自待而並以小。人待鬼神耶。幸而鬼神量大此理甚明。而世顧率以爲鬼物。嗚呼。鬼未嘗尋人。而人乃自誣。以誣鬼耶。若其治法。載在醫書。不更贅。不責爾。小人也。在爾自爲自害耳。